



卷十七 啟

卷十六 雜文

卷十九 墓誌

卷二十 墓誌

武溪集 四

武溪集卷第十七

工部尚書充集賢院學士贈尚書左僕射累贈
少師謚襄公余靖

啓

謝帖職啓

謝知英州狀

謝知制誥啓

謝知制誥啓

謝知吉州啓

謝知集賢院學士啓

謝再任桂州啓

謝知潭州啓

謝知青州啓

謝知廣州啓

謝知工部尚書啓

答淮南轉運段學士啓

答同泗浙轉運葉學士啓

少師狀元宋內翰啓

工部尚書孫學士啓

回賀彭舍人啓

回賀吳內翰啓

回賀梁相公啓

謝帖職啓

右某啓伏奉勅命象思充前件職者天獎曲成寵典
過厚內省鄙薄榮懼交至伏念其本惟庸淺生在遐
陬弱歲就學則經無師範長年力行而才非老成常
構霧而自知加鑢勵而忘倦且以有道之士樵夫笑
其詖諧安平之時君子耻乎貧賤期慷慨以有立乃
徒步而西遊屬皇德休明崇尚儒術廣求俊秀延及
幽陋謹御遂之舉旅登任途擇群萃之材首膺嘉命

越在官次固亡治聲徒稽吏資屢進榮秩間者以遷
固舊學貫穿博平群書范謝所錄撰述推其良吏向
在先代摹于上庠雖千金置市淮南莫之能改而五經
在黌廬生得以裁定咨于前訓釋以所聞歸赴未央
之朝雜上公車之奏敢期震矚擇用狂言不遺一介
之善以廣同文之化石渠平議摠以鉅儒中秘舊藏
採其通說再易歲月僅終緝綴紕繆畢去固周於衆
檢蠹文未辨猶示於傳疑重紆縵几之觀頗愧雲臺
之議豈謂薦言屢上睿澤猥加錄其微勤升之華貫
伏惟昭文僕射相公秉惠和之德輔欽明之君宣百

王未舉之政扶萬世不傾之業裁成庶務明昭百辟
薪樞克充于用白黑不逃其形而况承明之庭漢儒
列於侍從東壁之府唐制專乎刊脩所宜推擇俊髦
收集英乂傳求濟理之具以永無窮之聞必若望實
外著器識兼遠屬詞典瞻知禮樂而能述立行端方
敦名教而爲樂苟中茲選則惟其人夫何鯁生玷是
榮命儻以稽合同異緒正舛忤此而可褒謂之必補
則蔡邕壁池之本鐫刻以爲勞鄭默蘭臺之經嘉歎
而尤著未聞前世推以厚恩揆茲非次之榮迫出常
均之外蓋由熙寧在運明哲主謀警陽春之和士靡

堯堯大明之照物無幽隱用致鑿頑亦彼光澤敢不
勤服素履祗率攸聞黃卷之中稍研治體一官之守
無隳國經度答已知以死羣謗其無任

謝知英州狀

右某伏奉聖恩授前件差遣者祗荷寵光不任感懼
伏念某才非出類智不適時始懷鈇而備官遽越俎
而蒙罪三遷歲曆再食門在既無狀以昭明固甘心
於棄逐豈謂自天灑澤解網均恩眷言喬木之隣邦
付以小侯之全壤光生里閭便爲竹馬之期榮被親
闈仍遂蘭修之便此蓋某官素聖孜孜力掩瑕疵致

此顯愚復沾甄錄敢不勵精士檢祗率郡條上答天
慈勞酬恩造

謝知制誥啓

伏蒙恩制授依前官知制誥知諫院者天獎發中星
垣要切祗膺寵命以榮爲憂竊以國家設正諫之官
上叅國論開內史之府述宣王言所以丞進英髦克
備局闈乃能規益謀慮申布詞令鼓動萬物渙汗四
方故非輕才所可兼任如某者稟生竒隻賦性蔽蒙
乏通識以濟時無獨行而高俗早遠農畔遠託師模
才不稱於里閭譽不宣於庠塾伏自皇明繼照側陋

旁求一與計偕即廷官簿甘心州縣之夜絕望英俊
之游尋以庚午詔書恢復科試網羅數路寤寐衆才
名在選曹特殊制自天人三道之要每得數陳甲乙
千題之間僅能酌對進丞匠署出館縣章學政未工
幸逃官謗嘗刊史簡之誤入聯書殿之華一忤貴權
遽逢譴逐雖聖恩寬惻追還近甸而私庭奉養乞位
遂著初諧守土之榮已報終堂之痛七更歲律再見
闕庭垂紳抱慙克還舊物文昌典祠之重奉嘗替禮
之勤在于攸司罔敢尸曠屬台臣退老聖政惟新總
攬權綱思廣言路豈期踈闇亦蒙延獎進無當世骨

馥之論下愧芻蕘退闕偏親晨夕之養外慙烏鳥誠
雖許國義切所天累上封章願假麾守宸慈下照恩
賚曲霑俾迎親輿就居京轂徒增忝冒無補休明未
仲執簡之勞遽進代言之秩天居近密法太繁之崇
國命宣行當出納之重寧容底滯玷此選掄此蓋相
公樂育敦懷緝熙成績權衡不撓陶冶無私先為萬
乘之容不棄一才之用謹當砥勵名節祗率忠規貴
賤不易其心險易不更其守勵寒寒之節啓寤天聰
演深厚之辭少裨政體過此以往未知所裁

謝知制誥啓

謝外任
并兩制

蒙息授前件官并差遣者伏念某稟生奇隻賦性蔽
蒙乏通識以濟時無獨行而高俗嘗刊史簡之誤入
聯書殿之華一忤貴權遽逢譴逐七更歲律再見闕
庭趨茅絕之通班帖云籤之舊職引裾伏諫無蹇正
之風簪筆記言寡良直之譽遽蒙天獎進補掖垣累
辭避而莫從顧忝竊而尤甚此蓋某官因雲洒潤伐
木求聲素敢推致之誠用集身嘉之會惟上圖於報
效庶無負於朋游過此以還罔知所措

謝知吉州啓

右某啓伏奉勅命差知吉州軍州事已於八月四日

到州赴上訖欻念其起自寒官本無遠圖偶逢聖明
遂玷清近論人君之得失正史氏之褒貶典西掖之
綸綍領中臺之衡鑑寵任皆過毫髮無裨伏况行人
之官列辟所選銜君命以申信歌皇華而戒途四方
式贍專對爲重且以朝廷之大髦彥比肩至如識周
古今言窮治亂蘊厚重之器抱通博之才可以出鋒
穎於囊中暢威聲於方外者濟濟盈庭不可勝數而
僂辱僉議獨當重委不能死請以堅避讓之誠偶得
生還果貽狃習之患原其所坐當伏嚴刑尚蒙寬息
俾領便郡此蓋伏遇昭文相公燮調元化開濟萬邦

思九德之咸事慮一物之失所特形敷奏見軫孤危
遏彈射溢惡之詞敦國家馭吏之體正從薄謫庸示
深仁風波垂拯於畏塗日月遂回於曲照再蘇朽瘁
敢忘厚恩然念方今甲兵漸息賦歛必省謹當奉朝
廷寬大之詔求古人簡易之理削去苛橫勤詢疾苦
庶竭鴛寒少答恩私往此以還罔知所措

謝充集賢學士啓

伏奉恩守本官充前件職不許辭讓者更能非稱謬
當方面之權恩典曲施再參文雅之選祇膺寵渙彌
切憂兢伏念某世係孤平性識疎闇內惟輪翾之無

取早嘗英俊之並游抱槩非工濫中書府伏蒲何補
尸祿諫垣進掌王言靡成深厚之訓對持史簡曾微
良直之才每慮滿盈果貽謗缺闔門惶懼謝絕親賓
築室逍遙自安藜藿因之就養甘此終身豈期乾坤
再造於鴻恩簪履不遺於舊物起自謫籍付以州麾
奄遘私艱復還故里屬當夷寇倣擾邊陲遽丹詔以
臨門俾墨纒而即路單車獨進初慙應變以非長元
帥專征乃幸因人而成事以至故關脩復首惡遁逃
宣大國之威靈結羣蠻之信誓就擒魁媼并係孽童
雖名捕之尚遺顧烽煙而稍息碩還印綬追襲直麻

遽沐渙恩特加近職將軍旗鼓猥留乘障之居道家
蓬萊重踐育才之地深惟任遇敢忘品題此蓋伏遇
某官體國宣慈代天育物功深構厦廣攬於群材德
茂調元不和於寒谷永言鄙陋無間甄收謹當董練
武經脩明政體奉朝廷畫一之令用致民和宣皇家
無外之風永銷邊隙上答雲天之施次酬衡鑑之恩
過此以還罔知所措

謝再任桂州啓

伏奉恩命特授尚書戶部侍郎依前充集賢院學士
知桂州候今任成資日仍令再任并准樞密院劄子

奉聖旨依前降指揮不計辭讓者伏念某本無遠識
早玷通班向緣蠻事之興遽委州麾之重墨纒從政
徒廢居喪之儀尺籍理兵素乏臨戎之變賴睿謀之
遠照命元帥以專征一戰成功已濫分於賞典三年
奉計當例被於更書忽捧詔音就宣恩旨以謂狂蠻
干紀既伏於逋誅服嶺頒條宜諳於故俗俾留州任
庶曉物情再念某頃被中傷嘗居穴散頗得田園之
樂靡思軒冕之榮當警急之期間命敢忘於濡足及救
寧之際私心誠願於退身再露封章上千疏表未從
報罷仍俾拜嘉此蓋伏遇昭文相公道廣包荒誠深

誘善洪鈞造物靡私動植之恩寒谷迴春曲借發生
之氣致茲樛散荐被龍光謹當詳練武經勵精政體
邊亭警備冀銷桴鼓之音條教布宣度協蒲蘆之
化上答乾坤之造次酬陶鑄之私過此以還罔知所
措

謝知潭州啓

右某啓伏奉勅命詔移前件差遣已於本月二十三
日到任上訖伏念某器非應務才乏適時蓋識淺而
慮昏故毀多而譽少嚮以哀纏風樹歸處立樊厲當
蠻事之興首預詔除之目三湘假守初令備禦於封

陞五莞董戎邊俾親臨於矢石矧機籌之素情懼首
領以難全所賴者元帥摠其中權邇臣定其遠制乃
容無似於此備負以至大慙遐奔子母不能全其族
外夷協比斧鉞得以正其誅皆上稟於廟謀致甫消
於邊患因之積歲幸免瘵官念婚嫁之失期願珪符
而易地果象俞旨還撫舊封顧忝竊以居多實權衡
之有託此蓋伏遇昭文相公明謨特出廣度并容謂
其嘗辱於埏陶未忍遐遺於林藪過形敷奏猶假寵
名敢不祗畏簡書詢求疾隱蠻溪戍嶂面銷未弭之
兵士里農閭期間未康之俗庶展宣風之效庸酬播

物之恩

謝知青州啓

右某啓叨奉聖恩就移州任已於本月二十五日到任上訖伏念某器能闇淺學術空疎早在屏居分絕榮路旋由喪次起赴邊防微效莫伸優恩屢及瀕湘舊國獄訟寔繁嶺海名邦風俗尤古係當委任皆摠偏方授寄則深揆才非稱譬諸毛羽居腹肯以無堪付以藩宣慙股肱之爲重此蓋伏遇某官誠敦與善義切包荒不求備以取人爲之地而延譽密形獎飾致竊寵光敢不祗率國經詳求民瘼用圖綏緝以

報恩私

謝知廣州表

右某啓叨膺睿渥出布藩條祗荷寵光不任感懼已於本月十八日到任上訖伏念某器非適用智不逮人初既謝於才升中亦罹於毀廢間蒙驅策頻易炎涼謀無補於臨戎寵屢叨於進律去歲載馳驛騎重見闕庭猥當諭指之行殊乏緩邊之略暨于復命惟俟黜幽遽陞綱轄之司仍領藩宣之寄下慙猛士徒字於四方仰愧文昌甫聯於八座此蓋某官義敦與善德極包荒密為敷揚致茲忝冒敢不體國家忠厚

之化究邦俗利害之源無露才以近名冀順民而成
政苟能逃於官謗期勿負於已知

謝轉工部尚書啓

右某啓叨奉聖恩擢遷官品無從遜避徒積憂兢伏
念其才謝適時器非經遠幸緣孤直誤記清衷擢自
書林超居諫路以至殊鄰專對西掖代言謗篋將盈
遺簪罔棄嘗親臨於矢石幸免喪元曾無紀於旂常
徒煩捨爵屢統級於武節久陪貳於文昌比者上聖
登遐真人應運堯仁舜孝百世承基乾健離明重熙
繼照俊德勞羅於百辟惠澤廣宣於八紘爰及疎蒙

亦叨甄叙此蓋某官曲加題品俯念哀殘列郡承流
已忝股肱之寄六曹平奏俾陞喉舌之官謹當祗率
政經防弭官謗惟圖死節上報國恩過此以還罔知
所措

答淮南轉運段學士啓

右某啓其嚮以瑣材濫躋通籍無沉默之量而克從
于衆慕耿介之節而不得其宜天子以法冠彈非諍
臣縫闕過是踈遠不預謀議况默陞之際喜怒難回
輒陳囊封果觸天憲投棄南服列為冗官蟪蛄奮臂
誠不量力鷦鷯一枝亦返其分自惟生長草野性仍

寡合進無左右之容退非丘園之秀幸得垂纓抱槩
趨走臺閣遠方之人寧復他望且據權之與失寵孰
為輕重當國之與孤臣孰為勢利苟曰柙黨以營其
私則匹夫僮婦猶之所向區區之誠豈在身計而朝
奏暮逐坐為北周痛哭疾首自明無路冉冉貶所亦
既逾年庭闈千里不遑三釜之樂忠賢盈朝未賜一
言之佑然則捨生取義尚欲為之榮通醜窮固非本
志但恐陷此罪罟不為正人所憐此者伏象運使學
士敦樞風義遠錫書教靡諂狂狷猥形賁誦如在寒
谷得逢陽春免為妄人自今日始儻得天下賢士共

持此談則雖終身窮賤不自深耻某無任

回兩浙轉運葉學士啓

右某啓生於遠方不達時務踈網在上自觸機門孤
根立朝翻坐朋黨罹此重辟誰為明之雖家室恩
追還近郡而二親垂白僻在嶠南晨昏既違其脆仍
闕負罪未釋靡敢自陳涉江踰嶺因得私通間關往
還七十餘里迺於秋首方抵所局斗筲祿微管庫員
冗智力俱困正在此特常所友厚悉欲委棄同年道
卿學士靡泐物態再就手幅交情不移於貴賤善導
如接於風儀感愧已還仰覽無斁仍聆乞閣文筆歸

謁詩庭借聞三釜之樂有踰萬鍾之貴自非淡於榮
味篤在孝愛者孰能與於此哉某親衰蒲柳身陷罟
羅寸心惶惶瞬息增懼儻逢渙汗幸脫羈紲當圖南
還以潔羞膳久服高義願附子臧自誓此誠有如白
水未由覲覲言不盡意

回狀元宋內翰啓

右某啓某賦性魯拙爲學空疎向因舊史之闕文獲
承大匠之諄誨珉珉賤質徒費磨龍瓦甃麤材易
成玷闕身與禍會勢無還期不敢復以封題上汚息
舊三年于茲矣近者湯羅一解漢詔甚寬鄉郡長人

容臺進秩皆出望外釋然南歸天慈甫臨家禍已起
循陔之請徒竭肺肝懷章之行遽變縲絏誠願不遂
悲酸倍增豈謂狀元內翰包荒為懷墜旣猶顧遠損
緘誨下撫窮愁垂照至深仰覽無斁銜恤之外惟知
感息儻全殘生敢忘厚德

回賀孫學士啓

伏蒙尊慈以榮陞清貫時惠華棧歡慰之餘但增祗
悚竊以昔漢武用兵四夷朝野多事而嚴助朱買臣
之徒以文學侍左右內與大臣辨論得失外使四方
專達詞令然未有職事之稱唐初開秦府以攬英傑

儲將相之器

後闕

回賀彭舍人啓

前關某幸以寡聞早陪俊軌濫巾綸閣方懷糠粃之
慙塌翼江風更羨雲霄之舉其於慰拊寧有等夷

回賀吳內翰啓

右某啓伏審光奉聖恩榮陞禁署伏惟歡慰恭惟審
官內翰佐王遠識經國長才器含金玉之英詞兼江
海之潤宸庭奉對窮精稔而甚微言路推誠判忠邪
而無隱視進退而惟道履險夷而一心嘗遠握於漢
旄誓弗襲於胡服直聲振於蠻貊高節貫於神明猶

以他規亟從外補士頌中和之職民移愷悌之風毋
俟更書遽還綸閣前席帝所當顧問之益隆持橐禁
中增羽儀而為重官無留事日告遠猷果從玉笋之
班進保金鑿之直職居要近極為儒者之榮業茂弭
綸佇正弼諧之任某猥叨郡寄又絕英游豈謂謙光
特迂誨尺喜忭交集敷叙奚周

賀梁相公啓

右某啓伏審光膺制命誕告王庭授將鉞之崇資領
帥垣之巨鎮伏惟歡慰恭惟經畧太尉相公識窮治
亂業茂經綸至誠格萬物之和一言備四時之氣陶

鈞度彙恢陳體國之謨翼亮宸嚴美極濟川之用向
從誠請暫遂均勞隴底綏戎外撫之勲益顯關中阜
俗勤歸之望愈隆將還台鼎之居先正齋壇之拜矧
茲全晉控西北之二陲委以中權靜河汾之萬里併
安危之注意彰中外之一心佇書功於旂常復奮容
於廊廟行躋寵數允副具瞻

武溪集卷第十七

武溪集卷第十八

工部尚書充集賢院學士贈尚書左僕射累贈
少師謚襄公余靖

雜文

書譚氏東齋

從政六箴

書去虎

契丹官儀

葛懷敏謚議

雷公堂祈雨文二首

祭段待制文

祭高太君文

祭荆王文

祭孫工部文

書譚氏東齋

人之志於道者在乎去煩釋累靜慮和衷視聽動息
不汨不誘然後以居者則安以學者則專自非離塵
絕俗不能至於是也吾友譚君伯顛自桂林佐邑遭
私艱還第素冠彌時不營他務乃相厥居之東二里
而近出氛雜卜岑寂面江倚阜披雲躋險廓地數畝

作爲齋舍上以屏去人事下以訓勵子姓已得其安
子姓得其專有志於道者也屋不加飾地不祈廣執
林駕泉自適而已圖史机案旁無長物所謂不見異
物而迁者在丘壠不遐日得瞻睇不忘其親者也吾
友之意也深矣一日携僧泛舟而謁之愛其清曠又
嘉其子弟甥姪翼翼如也因書其壁皇祐二年七月
日題

從政六箴

清箴

政爲民綱清本土節立於寡過先乎自潔根不堅固

枝必顛折勿謂何傷多其藏者厚其亡勿謂終吉悖
而入者悖而出金滿堂而莫守玉無脛而能走君子
臨財貴乎無苟計日受祿孰憂不足飲馬投錢孰曰
非賢不義如雲前聖所陳不貪爲寶先儒之道所以
甌雖生塵德及吾民珠能還浦道光信史去惑畏知
千古仰之嗚呼幽有鬼神明有斧鉞貪彼賕餉過乎
豪奪罪盈於貫陽誅陰罰何如砥礪清名不滅

公箴

厥初生民罔有紀極羣居雜處鬪智競力乃建官司
分其曲直所以衡鑑所以糾 抱公絕私是爲率職

惟柔惟佞腹心之病惟端惟方政化之綱勿畏於勢
受人之制撓法用情爲害不細勿黷於賄移人之罪
鬻獄奉身其禍可待無徇威名以作煩刑嘗聞嚴母
掃墓而迎無貪竟怒以售虛譽又聞晉官秕政者去
張湯輕重其心漢刑已滄州犂上下其手楚邦之醜
是以罪無異罰左史所旌義不隱親叔向之明尺槩
繩直珪方砥平如止水斯鑒不牽於情不侮博獨無
懼高明其守不更乃國之經敢告君子參之座銘

勤箴

爵以詔德官惟擇賢怠則廢職勤則政宣恪恭脩德

厥德乃全僂俛勵志其志乃專譬如農功日夜思焉
古之聖賢名存簡編其智宏達其謀廣淵猶勉於勤
奉之周旋堯癯舜瘠以臨溥天禹乘四載手胼足胝
日不暇給周道以完介冑蟻虱漢業以安君既勤止
臣寧曠然周公握髮九有駮奔趙盾夙興盜退寢門
官無留事史稱名臣罔敢自逸書之格言理有不及
則惟于愆義和酒淫夏攻其昏二王清談晉失其尊
養名通事義和罪人下臣有聞敢告司存

明箴

函血奮氣爭鬪所起區區強弱茫茫真偽巧詐千端

奸邪萬計或矜其豪以厭顛顛或恃其窮以凌貴勢
或狐託虎威或蚌爲鷁制鼠無牙兮穿墉蝸有角兮
掠地吏或舞文人多飾智聚兔兔以成穴嚇鴛雛而
得味吹毛洗垢極其窺伺滑言柔色肆其諛媚捨狀
探情譬乎衡誠邪正區別是爲神明軒銅照膽不將不
迎爾妍爾醜安能遁形敢告有位無忘勵精

和箴

水至清則無魚人至察則無徒凌上忽下於義何如
剛而又方失乎正柔而又圓近於佞濟之中和可以
從政

慎箴

木行之峻摧軸折轅龍門之浚舟沉檝翻危乎官路
逾茲阻艱巧者爭進擠之疾顛青蠅止棘讒豈無門
蕙以似珠謗亦有端所以去惡者如草之蔓履霜者如
冰之堅太僕之馬數而後對温室之樹問而不言動
而三思靜當有慮儉則易足謙則無忤狠則多爭傲
則衆怒好樂者所貴無荒縱欲者終聞敗度語曰奔
車之上無仲尼覆車之下無伯夷古之訓也慎者從
之

書去虎

禹山之陰曰潯永水之源有居邑去刺史府五百里
而近山當毒草水叢毒草黃夏自瘴執歷者生
疾故州人憚之邑老吏恃遠且險肆詆欺以成俗亡
何丞尉飛書白府云境中三虎暴自暗請以狀聞本
朝彰太守服猛擊強之應太守貪鴈名欲市其矯乃
召他邑綠姓給之以成其詐邑掾到境得疾綠是怒
而以實對虎擊擊而死言自暗者非是邑綠逐臥疾
且死者人之野史氏聞之廢書而嘆曰罪由古史非
丞尉太守之罪也昔者劉琨宋均以循良著治理効
史氏有猛虎渡河之說尚使政仁且明虎雖在境機

增可制敵者且暴虎雖出境其害被于千里豈特一
虎哉則知虎之去不若暴之去太史氏以異聞惑中
智甚矣哉

契丹官儀

契丹舊俗皆書於國史夷狄傳失予自於未至乙酉
三使其庭凡接送館伴使副客者宣徽至于門階戶
庭趨走卒吏盡得款曲言語虜中不相猜疑故詢胡
人風俗頗得其詳退而誌之以補史之闕焉
胡人之官領蕃中職事者皆胡服謂之契丹官樞密
宰臣則曰北樞密北宰相領燕中職事者雖胡人亦

漢服謂之漢官執政者則曰南宰相南樞密契丹樞
密使帶平章事者在漢宰相之上其不帶使相及雖
帶使相而知樞密副使事者在宰相下其漢宰相
必兼樞密使乃得預聞機事蕃官有參知政事謂之
夷離畢漢官參知政事帶使相者乃得坐穹廬中其
宣徽使惟掌宣傳詔命而已文譙侍立如閤門使之
此

胡人之掌兵者燕中有兀帥府雜掌蕃漢兵太弟摠
判之其外則有北王府南王府分掌契丹兵在雲州
歸化州之北二王皆坐在樞密下帶平章事之上舊

例皆賜御服節度使參於旗幟之南乙室王府亦掌契丹兵然稍卑矣其有居鴈門之北似是契丹別族其坐在上將軍之上又有奚王府掌奚兵在中京之南與留守相見則用客禮大抵胡人以元帥府守山前故有府官又有統軍掌契丹渤海之兵馬軍步軍一掌漢兵以乙室王府山後又有雲應蔚朔奉聖等五節度營兵逐州又置鄉兵其西南路招討掌河西邊事西北路招討掌撻筴等邊事其東北則有撻領相公胡人呼撻字如否掌黑水等邊事正東則有注展相公胡人呼注字如否掌女真等邊事此皆守邊者也蕃語注展即女真也國中

隨部族大小各有節度使不屬州縣胡人從行之兵取宗室中最親信者為行宮都部署以主之其兵皆取於南北王府千宮院人充之亦有大內點檢副點檢之官以備宿衛北王府兵刺左臂南王府兵刺右臂千宮院人呼小底如官奴婢之屬也此警署呼拽刺諳効逐部分各有首領及判官等渤海亦有宿衛者又有左右等五北室此音比亦音契丹調金剛為比室取其堅利之名也漢人亦有控鶴等六軍胡人司會之官雖於燕京置三司使唯掌燕薊涿易檀順等州錢帛耳又於平州置錢帛司榮灤等州屬

焉中京置度支使宜霸等州隸焉東京置戶部使遼西川錦等州隸焉上京置鹽鐵使饒澤等州隸焉山後置轉運使雲應等州屬焉置使雖殊其實各分方域董其出納也隨駕賜與則樞密院主之讌勞則宣徽使主之

胡人從行之官大臣之外惕隱司掌宗室國舅司掌蕭氏常衣司掌庶姓耶律氏其宗室為橫帳庶姓為搖輦其未有官者呼舍利猶中國之呼即君也不在此籍即屬十宮院及南北王府矣又有十宮院使亦從行其言十宮者自阿保機而下每主嗣位即立官

置使領臣寮每歲所獻生口及打虜外國所得之物盡隸宮使每宮皆有戶口錢帛以供虜主私費猶中國之內藏也十宮院名

- 興聖宮
- 崇德宮
- 洪義宮
- 永興宮
- 積慶宮
- 長寧宮
- 延長宮
- 敦睦宮
- 章愍宮
- 延慶宮

十宮院使在上將軍之下節度使之上

十宮院制置司秦州平州亦各有十宮院司契丹

司錄事司如神國左右司候司掌刑獄

胡人於燕京置元帥府統軍馬軍步軍三司胡人東

有渤海西有奚南有燕北據其窟穴四姓雜居舊不通婚謀臣韓紹芳獻議乃許婚焉衣服飲食言語各從其俗凡四姓相犯皆用漢法本類自相犯者用本國法故別立契丹司以掌其獄

葛懷敏謚議

贈大尉葛公生於將門資性明銳束髮從官即以能稱形墀贊道五符監督屢更器使人推其才御下不苛接上以禮輕貨好與重器貴諾官有所底善聲日聞朝廷寵嘉付以邊事易京之治至今為最屬西羌怙遠棄我含有率其犬羊觸整保障烽燧初舉即有

膚施之役監其覆軌寤寐材雋是用起於謫籍授之次將畫野增戍以固封略氏孽孔熾舉國興師來如蝟毛屯逼城砦言奮其旅出當賊鋒乘銳急戰卒用屠潰忘軀殉節殞于旗鼓詔贈旄鉞以旌死事祖載易名式參前典謹案謚法臨患不忘國曰忠隱拂不成曰隱若其遠當勅寇師無後繼勢寡力屈義不苟生可不謂忠乎肅將王怒志清戎醜衆怫其令投戈莫保聞激痛悼雅意無成可不謂隱乎昔者流矢在馬魯曾侯誅之握節隕命晉策襲尚咸用加等式彰義烈繫公勤死宜謚忠隱謹議

祭段待制文

嗚呼天之間氣是生俊德特稟粹精蘊爲才識應
物成務代王脩職皇圖所倚譬諸輪翼試之以漸終
將康國量既未充壽胡不克嗚呼天乎世於祿仕不
羞苟得或在道以容身或買聲而借力公之立朝侃
然正色孤根竦幹古之亮直母后專制戚里濫息干
官結舌喑過天閣公倚抗憤方福建言雷霆震怒甘
心默去委吏冗員處之如僚乘驄憲府和鈇書殿智
略再伸周行改觀外臺主計國無貧歲攬轡觀風鈍
頑咸礪南床執法官宿其業簪豸扶墀權豪共懾粵

佐金穀旋登待從竭誠納忠言行策用暫擁麾幢殿
此海邦鋤姦樹善民夷以康天胡不憖殲我忠良嗚
呼哀哉人之懷才不遭于世或結隙而被誣或抱忠
而見棄既飲痛而莫伸其捐軀而自誓猶有生還故
都此去遐裔公今於時不爲不遇直道守官自結明
主暫片復還帝其玉汝揚歷清顯勤勞靡盬旦夕顧
問其仕則膺衆推周才可以鎮遠撫封半載帝亦悔
遣紫泥賜書追鋒給車俾公受代歸侍玉除代公者
雖在湘之湄抗旌即道朝露先晞公之未去勵精愈
苦遂使忠魂淪喪茲土公之才良無愧廟堂親逢日

暮而死矣方物理難曉徒怨蒼蒼嗚呼哀哉變首海
客乘風浮舸習犀象歲至日積昔人北歸不能弭謗
竹簡意珠方舟燕量公之戒行朝以俟文盡室輕裝
十夫之役天若有知延其漏刻俾我後人觀之爲則
庶乎無憾以叶柔克嗚呼哀哉脩短之期蓋有常數
逝川不息藏舟靡固人生至此胡其艱茹哀公之喪
不得其常弱息乳齒孺婦空房遠託故國未知存亡
哭無由而憑柩歛不及於帷堂謂暫時之一別遂隔
生而可傷昔紫服兮乘駟今丹旄兮還鄉瞻靈輶之
祖載痛川途之阻長陳絮酒兮一酸淚垂襟公浪浪

嗚呼哀哉

祭高待制太君

惟靈柔明素稱懿恭自飭惟齒及艾終始一德結悅
留範誕光文式采繁承祀元勤婦職卜鄰教子適駸
家則集此聖善刑于燕翼金華勸講訓成忠翊石窳
啓封庸酬慈力福未盈皆壽胡不克嗚呼哀哉脩短
之策豈其循極吉凶之會曷無常域積善之享享年
不億造物之意終天罔識輒輻啓途銘旌慘色執紼
奠屏橫涕沾軾言瞻高巽吳知冥默

祭荆王文

惟王系尊帝穆位冠合臣啓宗藩於前世展皇家之
茂親敦叙之恩流於國却對見之禮厚於家人推勲
賢之莫二冀屏翰於無垠溢交乾露愁生暮雲宸懷
爲之一慟民思從於百口蓋棺長夜引絳斯辰國門
之祖牲羞以陳永歸高義愴朝紳

祭孫工部文

惟靈黜山之英生爲俊明學探聖域詩合雅聲再以
科進列干王庭身冠霜間凜凜持平繡衣朱旆未足
于外二易江城直道無悔粵惟前載寇攻南海烽火
飛騰嶺隅震駭君乘使下聞急報爲呼不俟王命遽發

銅符救兵先集團城不孤番禺無虞惟君之論
汝材將漕來此盜據邊關勞無儲峙元戎秉銳
千里餉餽不續許之以死一君運心計委粟流錢士免
飢色凱歌以旋幕府第勞節曹舟遷當身復福胡不
永年嗚呼哀哉君於場屋台出輩流作掾南昌始與
君將柔圓易安剛方多滯波守廬陵朱輪相繼生叨
君寄君領監司再任相逢哀樂是隨君哭吾父我哭
君身夢寤世人糾纏相因聊嘆薄奠以告營魂茫茫九
泉孰聽斯言

武溪集卷第十九
工部尚書充集賢院學士贈尚書左僕射恩贈
少師余靖墓誌上
墓誌上
林度文墓碣
黃即中墓碑
李即中墓碑
李即中墓誌銘
朱寺丞墓銘

武溪集卷第十九

工部尚書充集賢院學士贈尚書左僕射恩贈

少師余靖

墓誌上

林度文墓碣

黃即中墓碑

李即中墓碑

李即中墓誌銘

朱寺丞墓銘

朱寺丞墓銘

王大君墓銘

黃殿丞墓表

王寺丞墓碣

蘇殿直墓銘

蘇判官墓銘

宋故狄令公墓銘并序

惟宋四世嘉祐二年二月陳州上言護國軍節度使
同中書門下平章事狄公厲疾于鎮詔遣國醫馳視
未至以薨聞天子震悼爲之素服發哀再不視朝制
贈中書令厚賻其家褒勲臣也公諱青字漢臣贈太

傅諱應之曾孫贈太師諱真之孫贈中書令諱晉之
少子汾州西河人遠祖唐納言梁文惠公仁傑本家
太原危言直節再復唐嗣子孫或從汾等世爲著姓
公謹重信厚風骨異常少以騎射爲樂期於功名自
立弱冠遊京師係名拱聖籍中國家自北虜請盟詔
偃師節息烽儆警垂四十年元昊世以河西稱藩常
歲遣牙校貢方物胡賈往來直抵都下奸人窺覘知
我虛實一旦上還印節僭盜名字朝廷始增兵擇將
以爲戎備時寶元元年也公初以散直爲延州指使
賊昊宿心苞藏椎鋒甚銳吾邊阻兵茲久士不知戰

他將過之靡不折衄延安最當賊衝公以材武智略
頻與賊較未嘗少沮四年之間大小二十五戰中流
矢者八斬捕首虜萬餘獲馬牛羊橐駝驢鎧甲符印
器仗以數萬計攻賊金湯城及西南馬市至于杏林
原破其鎮砦七遂略宥州之境屠龍咩歲香等部落
燔其積聚數萬廬舍千餘收其族帳二千三百生口
五千七百又城橋子谷築招安豐林新塞大郎堡皆
扼賊之要害而奪其氣朝恩懋賞七遷至秦州刺史
涇原路兵馬副都署上奇公功欲召見之無何寇逼
平涼迺命公即趨涇原俾畫形以進京師不呼公名

而呼狄萬蓋此之關張也公在涇原數歲賊不敢犯
塞復以夏國主稱臣由是邊圻解嚴矣遂以待衛親
軍職名寵公徙真定府路部署累遷至彰化軍節度
使知延州羌人脩貢道出高奴邊事裁處不違中覆
故僉議帥臣常爲諸鎮之首公當是任邊戎畏伏乃
召爲樞密副使會蠻寇內侵嶺海懿擾公以疆場之
虞廊廟之憂抗章請行寬上南顧上嘉其誠遂改宣
徽南院使荆湖南北路宣撫使提舉廣南經制賊盜
事初儂氏之蠻世爲酋豪羈附交趾智高趨勇而善
用兵因擊并旁近州邑而統有之拓地浸廣勝兵寢

盛交趾不能制南方亡命者多歸之由是擬正朔置百官潛窺據竊嶠南之計以皇祐四年五月舉兵攻邕州陷之乘鬱江瀑流連陷沿江九郡殺逐其守臣遂攻廣州圍之連月不尅大掠而還仍覆沒四將燔毀二郡俘劫兵民數萬復據邕州城誘略溪峒江湘已南爲之騷然朝旨以公大臣既可其行第令駐於桂象之間訓練師旅而指授方略於羣帥公以二廣安危在此一舉若偏裨失利則兵氣難振自非躬親無以號令先行後聞朝議聽之五年正月甲辰三將之兵會于賓州公接士大夫以禮御下以嚴臨敵制

變衆莫之測已酉下令入賊十日之糧謀者既去詰旦遂行故賊以師期尚緩不克守險者以此已未至歸仁鋪賊悉其衆據高迎戰前鋒遇之少却左第一將孫節死之公親執旗鼓麾騎兵左右馳出賊後賊遂大敗馳騎追捕斬首二千二百賊之謀主黃師愿儂建忠等腹心瓜牙沒于陣者五十七人智高焚營而遁明日按兵入城獲金銀器用二萬我仗稱是偽符節十一馬牛千餘老壯士女還城者三千餘人再遣閱闔外創重歸死者復得屍三千二百翊日分兵追襲賊之餘黨幾殲焉招復虜口七千三百其邕人也

俾奠其居非邕人者振廩續食還其本土所得賊之
遺物暨首級之賞估直四千萬均給戰士仍築京觀
以誌武功二月丙子班師辛巳詔遷檢校太尉河中
尹召還樞府遂曲赦廣南至於江西湖南咸宣布德
音焉未幾進拜樞密使領節如故仍賜城南第一區
諸子悉增其秩職居機軸勢均台宰外領戎馬之政
內參宮省之務弼遠順美動協厥中越四年頭去權
寵以辭盛滿遂兼相印出臨輔郡暴疾而終享年五
十公天賦明智世推權勇臨事董眾識與幾會其行
師也所統步騎不以衆寡常取諸葛武侯八陣法以

爲模楷宿息坐作悉成部伍故雖倉卒遇敵而師徒
無撓其爲偏裨時每被髮面銅其從騎兵馳突賊陣
羌人識之見則辟易無敢當者嘗中流矢創甚聞寇
至裹創而行帥不能止公器度深遠今相國韓公故
資政殿大學士范文正公之爲西帥也公皆隸其節
下咸竒之曰此國器也文正嘗以左氏春秋授公曰
孰此可以斷大事將不知古今匹夫之勇不足爲也
公於是晚節益喜書史既明見時事成敗尤好節義
其在涇原也副起居舍人知渭州尹洙與公同經略
招討安撫使事洙字師魯有文武才略博通古今公

與慮事尤為精密師魯嘗稱公古之名將無以過也
公於交遊在亡不渝師魯後以貶死公厚卹其孤如
至親焉文正既沒其子純禮服除還臺當蒞吳中而
征公首為啓陳得署河南賓幕以便墳壟識者稱之
其徙真定也過家上冢還謁縣長志趨令庭以脩桑
梓之恭然令不敢當議者重其得體遂留里中與故
老醜酒相歡揮金而去其征蠻也上親餞于堊拱命
醕者數焉當是時充國太夫人侯氏微疾公朝服而
入戒家人無得言治兵事第云奉使江表故得不憂
其純孝如此公好以衆整又能分功與人而令在必

行故師之所過秋毫無犯其為小校延安也大里南安
安遠之功初不自言物議多之其征南也今觀文殿
學士孫公時經制賊盜與公偕行其軍中之政公實
專之至于南夏經久之制多讓孫公裁處談者嘉其
謙樞初廣西鈴轄陳曙以步卒八千潰于崑崙關公
至推首道者殿直袁用而下并矚誅三十一人其下
股慄遂能一戰而成大功公歷官自三班差使殿侍
還左右班殿直侍禁閣問祇候通事舍人西上閤門副
使正除秦州刺史遙領惠州團練眉州防禦使保大
軍兩使留後真拜彰化護國軍節度使職事自指使遷

延州西路巡檢卿延路都監沿邊都巡檢涇原儀渭
兵馬都署遂摠禁旅歷捧日天武四廂都指揮使步
軍殿前都虞候步軍馬軍副都指揮使其爲兵馬部
署以涇原部署知渭州真定部署權定州卿延路經
略安撫使知延州皆著能政一拜官徽使再踐樞密
副使遂摠機政以兼相判陳州臨民統軍未嘗少有
差失其征羌平蠻名震夷狄勲在竹帛近代之良將
也公娶魏氏封定國夫人五男長諮西上閣門副使
次詠東頭供奉官閣門祇候諫諍皆內殿崇班說東
頭供奉官不幸以天二女許嫁而未行孫璋左侍禁

璿尚幼同產兄素右班殿直兄子五人詢左侍禁閣
門祇候詵左班殿直諲諄諄皆左侍禁從父兄靖右
班殿直其子詳右侍禁嗚呼戎夷旅距之際公悉力
捍禦以至平定宜享遐福而稟命不融後世其有興
者乎公薨之年歸殯京師明年卜宅西河之太平鄉
劉村里又明年二月十九日襄事太常誅行考功議
績百僚僉允乃賜謚曰武襄詔給本品鹵簿送至都
外啓攢掩壙並輟其日視朝仍詔所經道發卒衛送
葬所州縣優假人牛車馬特恩也其孤諮等既已礱
石樹碑神道之表以靖嘗從征南復謁銘以誌幽遂

銘曰

天生哲人	康濟斯民	不有屯難	何展經綸
眷言平真	弈世稱臣	一旦陸梁	邊鄙生塵
公之忠勤	威名冠君	近關遠略	歲策其勳
寇入蕭關	即鎮沁原	圖形以進	百辟改觀
入董衛卒	風清禁屯	出惣邊兵	霜凝塞垣
乃建高牙	以肅和門	延登樞府	式贊治源
蠢茲猥蠻	輕去巢穴	陷邑圍廣	圖據全越
公之善籌	成于廟謀	願得奮行	賊彼兇酋
帝念其誠	俾公專征	嶺海之區	侯公以寧

收復邊城	綏撫遺氓	南夏再平	際公之靈
露布傳呼	歡聲九衢	曲赦嶺表	德音江湖
乃陟太尉	乃尹河中	陞惣機務	言疇厥庸
樞極之柄	兵戎大政	弼諧有託	方隅以靜
致主推誠	辭權戒盈	乃錫相印	以鎮陪京
天胡不仁	奪我勳臣	上心嗟憫	悼往撫存
輔車孰引	發卒三川	銘旌改寵	鹵簿宣息
佳城何在	汾河介山	勳書曷盡	冢象老暈
山西出將	天下稱賢	功名不朽	億萬斯年
宋故兩浙提點刑獄尚書度支員外郎林公墓碣			

銘并序

公諱從周字其其先西河人問禮孔子顯名諸侯七世祖自南安徙居潮州宗族盤互爲海陽著姓曾太諱某太父諱某丘園賁素成以冲曠終焉父璩少以節惠稱於鄉黨復謹義方訓子遂起其家四進秩太子洗馬致仕公即長子景德二年由進士上第敕除泉州南安主簿郡以符召爲掾日持手板與刺史廷辯曲直凜然有國士之風主計者聞其材俾蒞劔州銀冶半歲入銀銅七十萬第其最以聞天子嘉之擢授大理評事筦權永嘉復以課遷本寺丞知開封考

城縣遭母喪解官柴毀過禮閭里指爲標準服闕又丞殿中勾當諸司糧料院大司徒王公欽若鎮餘杭奏辟公爲副詔授太常博士通判杭州軍州事司徒故相長於智術處事與朝廷約束不能無異同公悉力牽挽歸於繩墨而後已司徒公初怒中悔命一府惟公之聽入朝又之以屯田員外郎充開封府推官議不巳同錙銖不移事或聞上帝獨可公奏尋轉度支員外郎提點浙江東西刑獄公事以天聖三年五月癸巳卒官享年五十一公孤進以材稱故自南安二考特轉京城官非列也司徒公之出鎮精擇本朝望

士爲佐故內閣段公少連時爲觀察判官耳公乃通
判其府事無巨細一決於公初大司徒與丁晉公謂
久以勢位相傾俄而棄節於洛得罪其嘗所厚者悉
坐左遷公在餘杭以抗直不黨聞於朝故得免戾然
亦格不用晉公敗乃爲天府佐司徒再秉國鈞猶以
前佐郡特持正不能屈終亦踈之在府三年凡易四
尹太后帝知名而終不遷止以平例外補遂卒豈命
也哉公性耿介不容人私京邑浩穰壓於權貴請託
不得循理可否公銳意痛絕私謁所得權貴人翰墨
都不省視至夕聚而焚之由此勢益矣上初即位富

於春秋莊獻皇太后五日一垂簾御長春殿共斷天
下事故事大尹上殿職官一員同陟殿陛與大尹東
西立黼宸前腰笏對展奏牘聽上裁決一日奏事
退莊獻指公語上曰此林某也近侍咸聞焉公之奏
事常出文法之外故兩宮多之府民有殺其兄之二
子以規其財者長被瘡即死其幼走以免事發獄成
以母年八十法當留待公乃建言使無狀子居母側
以凌其幼孤必無全理且孤孫雖釋亦能爲祖母養
留之惠姦不可讀奏未畢太后遽頷之曰人情當如
此即命配海外公之持平固執皆此類也其在南安

考城之政至今民歌頌之故天章閣待制劉公隨考
城人也嘗與其言王府屬邑多以材望奏請然自公
罷去二十餘年耆舊言父母官無及林公者聞公亡時
或至霑泣其政感人心如此公屬文不苟為華媚遣
言指事必根政道再獻賦頌悉以規誡為本上亦再
以手詔褒之公之第五人其長曰從善先公卒次日
從式次日從變次日從義次日從道皆良士也上之
初奠玉於園丘也公以府僚待祠例授一子出身公
之二子皆白身未仕獨念母弟早亡嗣續未光遂先
奏其孤以慰藉之言行義者咸共推伏公娶鄉里張

氏封清河縣君公之存以婦順助其內公之沒以母
道嚴其家宗族奉之如師保焉生二男三女長子東
喬光祿寺丞次子東美舉進士長女嫁大理寺丞許
因其次女封德安縣君幼女嫁進士魏庚孫幾人公
之卒也弟從慶及其孤扶其柩踰閩嶺以歸而洗馬
府君亦以其年四月壬戌卒遂以天聖五年某月舉
二喪同城葬于某鄉某里某原妣曰臨穎縣太君鍾
氏前葬其鄉某原小人曰吉遂不克耐某幸得娶公
中女公既定十五年乃克拜于松楸之下於是聚其
族姻詢訪遺懿在人之聞者書之于石以為表云爾

銘曰

鵲火耀芒

重離協光

下生俊傑

發為端方

俗尚軟熟

視如堅剛

君子居之

不易其常

仁義內脩

我知克舉

爵祿外至

委于所遇

萬乘知名

身猶齟齬

才乎命乎

天不兼予

未伸明謨

弗克中壽

善之所報

將在于後

惟石言言

立于松阡

直書不文

庶乎長存

宋故屯田郎中黃府君碑

府君諱仲通韶州曲江人本名正以犯從祖諱遂稱字焉家本寒素刺史潘公見之曰此奇童也命其父

使從學及冠以辭賦知名場屋間天聖初進士擢第

累授信州大名府司理叅軍時天章閣待制王公汾

主河北漕上言引濟水御河澆灌懷衛民田辟府君

為衛州推官以通水利秩滿故丞相沂國文正王公

岐國正獻杜公文章薦之詔改著作佐郎監廣州軍

資庫未幾遷秘書丞知南儀州以病乞換江南監當

徙監宣州商稅按察使以歙州輿賦獄訟繁顙請擇

材士共贊幕畫就除太常博士簽書歙州判官公事

尋賜緋通判建州知惠州累遷至屯田郎中儂蠻

之寇廣州惠最為近府君增堞濬隍民用以安監

司以勞間及罷惠州也年六十八矣迺歎曰鍾鳴
漏盡而不知止者滔滔皆是也吾可以去鄉里而
貪進乎遂不復朝朝廷授一子官而致其政以寵之
休官凡六年以嘉祐四年六月丁亥考終命于曲江
里舍享年七十四府君少勤學家貧無書手寫細字
五經注疏及文賦數萬篇暨登第後性復恬素不急
進取每歎祿不逮親所得之俸常均給兄弟及諸親
之貧者鄉閭無不服其悌朋友未嘗與之忤當官以
幹稱治獄以恕聞其所薦舉皆當世名公鉅人而所
享名位不盡其材壽終之日家無餘資第以清苦自

立直全德者也曾祖諱烜祖諱嬰贈職方員外郎妣
攬氏累封真陽曲江南陽縣太君凡再娶初曰劉氏
封中山縣君太常少卿賽之妹也次曰楊氏封福昌
縣君三男子長曰亢早夭次曰佺期太廟齋郎次曰
安期試祕書省校書郎其年七月姪新湖陽主簿寶
臣太子中舍新知潮陽縣事汾與諸孤奉其柩葬於
豐樂鄉之鄧林山靖在諸甥之列幼授師訓居同里
舉進士同榜宦遊險易未嘗不相親也及府君之傳
政而歸也靖適經制營事不克還鄉以奉朝夕之驩
暨茲去世又不獲歸奠葬不及執紼其痛豈有涯哉

迺附銘以紓恨焉

韶州相水

南國之紀

生是俊明

具茲粹美

學必根道

祿不私已

幹聞朝廷

第稱鄉里

籍未引年

志先知止

沒無餘積

清白而已

始終一節

古之君子

佳城何在

節林之趾

九原何從

文獻斯邇

身雖可殞

名不泯矣

我懷舅氏

生同榮悴

今也云亡

莫親含祿

握筆誅德

臨紙搗淚

終天永訣

此情何寄

故尚書虞部郎中致仕李公墓碑

公諱虛舟字公濟贈吏部尚書諱寅之季子工部侍

郎諱虛已之介弟李氏之貴於天下舊矣七世祖諱

昌始居光山同郡王氏之王閩越其孫諱盈以族從

焉遷徙名數於建安曾王父諱瑄王父諱詢贈大理

評事先君尚書筮仕江左為諸司使時太夫人在堂

以道梗不克迎奉安輿乃留中饋與公同侍晨夕及

秣陵歸命例授殿前承旨既辭冗秩不受且以嘗為

王國官不許南度其後數年登進士第授衢州理官

乃克迎侍公時已能力學有稱矣咸平中舉進士不

第繼丁艱疲柴毀過禮廬于墳側自力封樹旦暮泣

血六年除喪尋以冗任補郊社齋郎調授福州閩清

洪州靖安尉咸著治聲遷饒州餘干令坐不覺獄中
殺人免官會元昆二卿分司還第公素篤友愛喜於
閑適且厭夫惡直醜正世路風波故終日怡怡無復仕
進之意元昆既沒朝廷以恩授校書郎知江州瑞昌
縣事讓不受署友朋敦勸其守益堅杜門家居墮去人
事故相國臨淄元獻晏公大聖未為三司使脩姪壻
之恭守書叙意勸公一至京師重違其言乃具私車
而往于時上宰許國文靖呂公參豫文惠陳公簡肅
薛公文康王公咸欲畀之大邑固辭不就元獻知公
之節不可屈也亟言於上得太子洗馬致仕既而元

獻入謝上與章獻太后問公之年曰六十二矣疾乎
曰無疾上曰若然真可尚也名公大臣嘉其高蹈悉
賦詩以寵其歸明道元年遷殿中丞俄以子寬定登
朝援郊祠舊制復增其秩尋改國子博士賜五品服
三轉虞部北都駕部員外郎恭謝大禮進虞部郎中
公之祖妣臨穎太君陳氏母夫人廣平郡太君游氏
之留鄉里也公在弱年奉侍孝謹出於天性家貧無
恙而假本於人必手自鈔錄夜則誦誦長為詞章頗
出流輩三衢趙湘有詩名於天下與先公友善且愛
公謹厚以其子妻之後封長壽縣君其令餘干也強

宗有為姦利至中人以死者郡縣莫之能禦公至則
明示教約無敢復犯一境為之肅然其侍兄伯之疾
也躬臨藥膳與子姪均其勞迎孀婦而事之奉以甘
臠與婦孫同其恭其傳政而歸也謝絕公府未嘗一
言干人賓朋至者觴豆相歡嘯歌有節其或泛平湖
游別墅輕舸小駟初無導從視之豁如也自先正尚
書以殿中丞納政歸養築室豫章東湖之陽不出郭
郭而有林泉之趣及今兄以小司空分務閑居公以
郎官歸休舊廬再世三賢相繼解組皆年未縣車而
勇於冲退鄉邦人士伏其世德三聖宸翰羣公贈言

金石之刻龜螭相照恬晦之美當代題之手舍以朝
列守藩倅郡雖越在鄰邦犬牙交壤一欲迎至官下
公皆不許由是間還代出以奉溫清寬初自虔州得
請為江浙等路提點鑄錢坑冶以解舍在番陽晨昏
非便之居南昌就署局事朝廷許之無何遷荆湖北
路提點刑獄三上章辭不允公乃敦迫使行曰定在此
矣無以吾故屢違命既行至部復懇辭天子嘉其誠
故不易其職而徙之江西焉定之吏資當典城矣再
為佐官于洪以便奉養不離左右者一十二年寬既
乘驛至自湖北公曰吾君之恩厚矣何以圖報遂泣

下婦孫至公言如初浹辰公疾病子婦蒼黃環侍而
泣公止之曰吾年過父兄而汝曹各能樹立瞑目無
恨矣復謂醫士曰吾病革矣無諱二子俾集吾事期
日而捐館時嘉祐四年秋七月二十二日也享年八
十九夫人長壽縣君趙氏孝恭以事長慈惠以逮下
勤儉以治內和柔以接外六親稱道用為規模先公
八年即世子男三人寬司勳員外郎定庫部員外郎
是秘書省正字伯氏以吏幹發聞仲氏以詞學知名
季則早夭女二人長適進士劉好禮次適烏程縣主
簿張汝道孫二十五人曾孫十五人咸承身承學無

墜訓言自夫人之喪也公豫為壽器又甃雙壙而虛
其左以自待也達生者歎以明正月即葬其地曰新
建縣桃花鄉新里村之雷岡前塋之期司勳君伯仲
走僕荷書且奉遺意不遠數千里見託銘勒某分義
素著於公父子之間故知公履行允熟公之純孝著
於穉節雖父兄在遠而力養祖母勤劬自立及其宿
官則清白無渝益之剛正自餘干非罪免歸即高謝
世務宰弼諸公力共敦勉所守不回以遂初志崇尚
節義門無雜賓待人以誠動有儀矩雖宴笑終日不
見惰容令子童孫誦誦侍側朝夕訓誨莫匪禮法端

居靜默三十三年國家崇貴立園頰繁爵命而家庭
譽處陶然物外年逾八十視聽益明親舊書疏皆手
自裁答字體謹潔可愛少者殆不能及有疾一日而
終同於寤寐古之稱隱君子者無以尚之可銘也哉
銘曰

李氏三賢 弈世清德 矯矯八座 儒林之特
辭榮歸養 冥鴻奮翼 皤皤二卿 憲臺司直
厭劇就閑 伐柯攸則 惟公之生 耽耽遠識
承家孝愛 當官強力 何彼蒼蠅 變我白黑
冠之一免 無復彈拭 兄弟怡怡 何喪何得

黑綬再紆 機心已息 交朋勉勸 宰司勤飭
一志不回 牆東晦匿 乃秩春宮 于歸江瀾
高謝世紛 不為外惑 城雉笑傲 衡門靜默
朝黻屢加 角巾靡易 子舍班朝 朱金滿側
更省送侍 仕途景式 進退忘懷 死生昧戚
豫為壽藏 虛左自適 古稱達人 今見其迹
清風遺後 子孫千億

故虞部郎中李公墓誌銘

嘉祐四年秋七月甲寅尚書虞部郎中致仕李公終
於洪州私第既卒哭二孤以書奉其遺命并門人錄

其善狀且告塋期請誌諸方石使還復之以辭公公
諱虛舟字公濟五世祖諱盈從王氏入閩始占籍建
安曾門諱瑄太父諱詢贈大理評事大母陳氏追封
臨穎縣太君考諱寅殿中丞致仕贈吏部尚書母曰
廣平郡太君游氏初先公尚書仕江南壤斷不克迎
板輿故廣平君及公並留待江南平先公辭冗官且
以故國臣留居京師後由進士及第調衢州司理參
軍乃克歸先公之未歸也公自能力養

咸平中進士舉不第以兄任補郊社齋郎調福州閩
清洪州靖安尉寇攘以息遷饒州餘干令公事去官

時允虛已以工部侍郎分司家居公以天倫友愛不
忍離去遂絕仕進意兄終朝命起為校書郎知江州
瑞昌縣辭不受天聖末三司使晏公殊公之兄子婿
也迎公至輦下宰執諸公欲強之仕不可晏公為言
於朝乃授太子洗馬致仕年六十二矣兩宮嘉歎中
外聞之六增秩至虞部郎中賜緋衣銀魚自先公尚
書致政還養卜居豫章令兄貳卿及公悉以恬退歸
居其歸則元宰碩儒縉紳文學之士著於序詠碑刻
存焉其居則面湖築室涵虛構閣無城市之囂有林
泉之趣公高謝人間絕迹公府資給先疇不營什二

之利潔約自守未嘗以私干人實朋過從弦歌取適而已不為過分之樂不雜汎然之交家居三十三年二子垂朝紳佩郡印趨庭侍側者十五餘年寬為司勳員外郎提點江浙鑄錢坑冶即家署事二年遷荆湖北路提點刑獄以遠庭闈五表固辭換江西如其職定為庫部員外郎掌知南康軍矣再乞簽署鎮南節度判官通判洪州凡十餘年不去左右孝愛高潔奕世可稱其難繼矣夫人長壽縣君趙氏廬江尉湘之女先公八年而亡自夫人之亡公即其家旁為窆以自待也公終之年八十九矣以其年十二月甲

申合葬其藏即新建縣桃花鄉新里村之雷崗也三子其幼曰寔秘書省正字早夭二女長適進士劉好禮次適烏程主簿張次道孫二十五人或為邑長郡掾矣曾孫十五人諸孫皆好學保家者銘曰

公之先

世隴西

入于閩

家建溪

尚書公

仕金陵

公留侍

孝蒸蒸

令餘干

民治安

非罪去

不再冠

秩春宮

歸于洪

繼先德

避牆東

無苟圖

無妄干

朱紫侍

節義完

今已矣

葬新里

李氏也

視章水

宋贈大理寺丞朱君墓誌銘并序

君諱信其先邾人戰國時并於楚漢初以任俠聞李
布歸之以解主仇名熏灼於天下孝武徙山東甲族
實諸陵遂移名數長安雲自平陵以峭直顯名博居
杜陵以材敏稱職為漢名臣焉世祖南陽浮與祐俱
自南陽為佐命晉宋之際齡石以權勇輔義集勳疆
場世有英特發聞京輦唐室之季遂家大梁今占籍開
封府陽武縣戶牖鄉曾祖諱洪五代淑撓仕塗榛梗
與道沉浮不覲驕餌祖諱敬安鄭州別駕生一男一
女女適陝府右司馬贈少府少監隴西李咸秩封河

南縣君男諱昭澤應毛詩學究舉不第早亡即君之
文考也自曾門以來以氣義自守君以奇節終之河
南君之子李公穆以諫議大夫叅知政事於君為外
兄弟終不於此時屈節一圖進取嘗署計臺右職以
勞當遷供奉禁庭矣子友直明經及第君即自解去
從容子舍其淡泊榮味如此然疎財好義重許可廣
交寡其游皆英俊有名之士也友直歷官至虞部員
外郎要津提擢繫君之舊其知人之明又如此卒以
子登朝再贈大理寺丞女二人長適孔氏次適東梁
院副使趙承譔孫男二人長曰濟中書堂後官檢校

尚書水部員外郎次曰從政早亡孫女三人長適左
班殿直路昭吉其次亦早亡濟字伯仁少孤而儻
多識當世典故復廣交契克紹祖烈卜葬得慶曆二
年太歲壬午閏九月二十七日丁酉凡八柩同遷于
開封府祥符縣開府鄉東韓村之大塋君與夫人吳
氏同窆朝廷以恩賻錢五萬將葬即以虞部府君之
狀託天章閣侍講王洙撰次其美復以君之狀俾來
索辭濟之遊皆在朝聞人籍籍居顯仕矣襄事孝誠
之極而以文見屬故不克讓乃爲銘曰
倚與君子 韶光抱器 進退以道 交遊以義

不苟勢榮

不屑祿累

起家有承

拂衣無愧

時人蹈道

身蒙其利

明哲樹善

世福其嗣

烏經卜吉

牛眠善地

銘以掩幽

爲子孫識

宋故馮翊縣太君王夫人墓誌銘

夫人姓王氏金陵人也父諱某仕李主爲如京使王
師渡江既黜唐命董用其後授右班殿直夫人徽柔
懿淑克謹女訓自非摠即幹毋蠱穢闥之內壹以付
之其慈明孝愛出於資性閨門整飭動協儀矩族姻
罔不尚其節焉嘗因季春暮祭出見親之貧者即解
衣衣之母曰衣豈妄得何遽與人對曰紛華非性所

適且憐其窶甚杼軸可完宗親不可携也母繇此益
竒之凡四時蒸嘗夫人必手鑪香室牢饌醑醕麴腥
脯醢潔器異齊以備其物常曰祀享人之大事故須
嚴潔以表至誠勿懷異節率皆此類年十九歸于戶
部郎中許氏事其姑如其母而加謹焉怡聲下色調
膳扇枕雖隆冬痺暑必躬親之未嘗一委媵妾之手
室中舉案侃侃如也姑亡不食三日冒經被線動必
以禮其族婦有賢而孝者族人齒之必曰何如王氏
其愛慕也如此其與兄伯同居事其妙如姑之存歲
入地征月入官奉悉歸兄伯之室簪冢不以自名嬰

移之費一請於其妙曰世母在吾何敢專其謙讓之
性然也戶部府君遠宦十年夫人足不踰閭夫伯俱
亡撫養諸孤均若已出聚居且百口恩意怡怡一亡
間言訓誨子姪自見成立夫人再封邑臨沂以夫封
馮翊以子封亭壽八十以寶元元年歲次戊寅十一
月某日終于海陵私第子五人偕舉進士長曰恂通
州司戶參軍次曰恢大理寺丞知常州晉陵縣次曰
怡秦州司理參軍次曰元殿中丞次曰平累舉未第女
二人長適虞部郎中知撫州田慶遠次適職方員外
郎知永州張楚孫幾人亦各材俊卜葬得某年月日

與戶部府君合祔禮也某元之執故為銘曰

倚歎哲婦 生此南國 始勵柔淑 以植文德

秉勤孝懿 以克靈則 終篤慈愛 以宣賢式

族人以和 母訓以飭 諸子咸仕 出於風力

佳城鬱鬱 義聲正極

宋故殿中丞黃公墓表

公諱珙字希跡其先楚人春申之後世居江夏或係
為公輔或時號奇童前史詳之此不復叙占名數於
衡陽有年矣曾門諱璠大門諱承祿潛德不顯高蹈林
泉考諱徘徊樂道奉佛中年戒殺遂絕葷血鄉曲稱為

居士公以清素自勵兼通內外典而留意篇詠嘗曰

聖世右文興治旁羅寒俊家有令子弟不可不訓之

以學而起其家當是時子姪四人悉趨黨塾義方之

教翬球有成公喜而為詩曰門蘭自有子孫榮章獻

太后上僊之明年二子同年進士擢第越再榜猶子

師尹繼捷詞科既而二子陞朝以禋祀恩及讓官回

授五被命至殿中丞朱衣銀魚湖外嚮儒盛矣德門

賢範遂為稱首公嘗謂儒術以飾躬佛法以理性故

其崇奉西教逾於先君誦金剛般若經四萬卷雖資

質方直而好行陰德每以善行誨人嘗自吟曰但將

貧作富祇以道為懷有欲休持戒無欺便是齋君子
謂之知言公以嘉祐七年二月辛丑考終命於衡之
私館享年七十五疾病彌年精爽不亂其奉行衆善
無忘正念者歟太夫人許氏其壽九十夫人許氏累
封長壽縣君內助於公下訓諸子主蘋蘩之祀著聞
闡之則長子師道屯田郎中通判廣州仲子師說舉
進士不第先公二年卒季子師旦屯田員外郎桂陽
監使並承公積善以取科級謹於率履咸以清白材
幹聞太司田君復深於佛性棲心事外有高世之風
焉緣公及夫人年高偕不樂遠去廷闈朝議趨而從

之女適同郡郴州司法李日宣孫五人長鎮次鈞太
廟齋郎廣城啓期錡女孫九人重孫四人重女孫三
人以其年十一月庚申葬公于東郊里壘之東五里
虎龍山先塋之中方葬有日矣嗣子走其中親進士
羅友諒持其郡倅都官莫君及所撰行狀俾來乞銘
表于墓阡頃歲某經制廣西大司田君時為桂倅婉
謀正論日蒙開益公及夫人皆被輿迎侍至郡升堂
獲見折且相歡一日之素於茲久矣及今經略廣東
君復倅南海蓋以便於定省故十年之間連倅二郡
不自以為滯非孝誠發中孰能如此秩滿既歸懼此

荼毒湖湘之間豈無文士特緣雅故見託斯文然雖
藻思荒落其敢辭哉銘曰

為善致祥 乃天之常 其身用光 其家用昌

忠恕之賢 後裔同縣 立石松阡 以永其傳

宋故大理寺丞知梅州王君墓碣銘

王氏之盛於天下獲失以望別族者秦之郡五漢之
郡一十六公之望實出太原自司馬氏南渡而諸王
世為輔弼梁永寧郡公特中尚書令僧辯生顓顓生珪
唐正觀中宰相以亮直稱為名臣珪子敬直尚南平
公主拜駙馬都尉坐事貶死嶺南子孫留者因為曲

江著姓雖世襲簪紳不絕而祿卑不得譜於國史曾大
父諱其大父諱當劉氏自即尊號族人仕者皆得美
官獨父子幅巾高蹈不與其餌考諱臨字嘉謀皇朝
以鄉邑器望署潮州司理參軍卒官公諱式字用之
十四而孤耿介自立以學行見稱舉進士得祕書省
校書郎歷廣州虔州南安軍司理參軍入朝除大理
寺丞知吉州永新縣以能聞明年移知梅州景祐五
年七月卒於治所享年六十五公沉厚方直敦尚名
教自幼孤至白首貫以一節舊制嶺表按察官歲調
郡縣椽佐闕員取進士月舉明經三舉下入大常第

者試攝其事三載不壞厥職乃送吏部為品官邦人
自為南選常才趨之唯恐不及公嘗喟然曰曲江自
文獻公後任大夫鮮復以科第取顯爵於朝豈南方
以此選誘人為卑耶吾為州黨項領期於展力從官
詎宜碌碌齒其間由是自弱冠捧鄉老書遊場屋三
十年終不屈意暨上第時母夫人猶在堂升堂拜嘉
閭里始歸其高焉今天子初踐祚在諒闇不待祥禫
即臨軒急於採擷天下俊異而曲江聯翩六人中第
皆公之力六人即公及子陶餘若靖輩悉嘗趨函丈
焉郡守嘉尚縷陳其事乞改公所居之鄉曰興文里

曰折桂詔可其奏邦邑榮之三為決曹掾以清慎自
守發擿姦伏湔洗良善期於詳允獄無隱情雖苛吏
把其上狡胥穴其下不敢箝毫奪其理卒以雪枉改
官其宰永新也俗固好訟而當官者復侵渙之公皆
痛刮其弊民戴之如父母焉公始掾南海遭內難解
官在始襄之年而致毀過制遂以氣恙到梅之三月
疾作不及成政而捐館舍公志尚高潔義不苟合訓
子弟有常檢接僚友無戲言聞人之善談不虛口其
不善者疾如仇讎真所謂古之君子也夫人余氏鄉
邦令望明淑賢懿上奉其姑下撫其族於公內助為

多二子長曰陶信州軍事推官次曰防亦舉進士孫
男六人孫女五人皆幼公之初喪也引柩西還藁葬
其郊居之側至某年某月某日以禮襄事于興文鄉
折桂里厚富原以靖幸而交其父子間兼師友之重
使來索銘以表其墓乃銘曰

韶山之秀

發為俊茂

清識懿文

南州領袖

人趨祿仕

不羞苟得

公獨夷由

決於翰墨

五試文昌

晚成之光

三掾決曹

罔私毫芒

明照隱詆

民不冤死

入奏天子

乃丞大理

試政蒲蘆

五柳雙鳧

鋤強息弱

百里以蘇

暮年成績

部符嶺阨

車茵未温

卧寶已易

旌旆西還

霜淒露溥

福不盈日

俄歸九原

惟公之德

倜儻殊特

身雖云亡

留為軌則

詞學起家

義方教子

有詔旌之

文鄉桂里

胡為石彦

累世弗顯

才不誰知

卒於遐遠

勢薄地寒

不貴不年

廷尉高門

在于後昆

宋故殿直蘇府君墓誌銘

府君諱繼字傳之其先蓋祝融之裔為周寰內卿士
故為武功著姓唐僖宗幸蜀扈駕而西者徙名數于
成都祖諱厚仕蜀至尚食使考諱進之為蜀牙兵校

長蜀亡孟氏之臣例署東宮官得副率府君以父任
累遷殿直太平興國中授深州安平寨主是時北虜
歲擾邊安平雖名堡障宿兵不滿數百援師不集則
禍至常不測或勸府君辭勿行府君曰平時既食其
祿急辭其難非人臣節吾不取於死而恥以此生遂
寓家他所而獨之安平明年虜以兵夜襲寨城果以
無援遂至陷沒享年七十五帥臣諱援兵稽期誣以
不備敵聞繇是雖死王事而贈典不及吁忠義其難
行哉子咸熙南京留守判官孫二人長曰安世尚書
屯田員外郎次曰昌世太廟齋郎以嘉祐二年十月

庚午並舉王父母考妣四喪歸葬于揚州江都縣與
寧鄉馬坊原府君與夫人許氏同葬併作銘于幽宮
銘曰

常人宴安

唯祿與利

君子所徇

曰忠與義

既食其食

夷險一致

履危忘難

雖死不避

守節象上

唯善之蔽

贈典不加

忠魂無愧

福不在身

在守來裔

吁嗟九原

古人之繼

宋故南京留守判官贈都官郎中蘇公墓

誌銘

公諱咸熙字太和其先胙土於蘇爲周鄉士故代爲

武功人曾門諱厚以唐末舉華西幸避兵至蜀仕蜀
至尚食使因爲成都人祖諱進之從孟昶歸朝授東
宮副率考諸羅致直深州安平寨主契丹犯寨陷焉
公以太平興國八年明經擢第授邠州定平尉會朔
易帥恥於援兵不出痛詆安平失守公緣坐謫澧州
未幾義士疏其狀天子憫焉詔釋之調綏州司法參
軍太宗割綏銀界夏國徙隰川尉秩滿遷建州松溪
令改宣州南陵毋喪去官服除授忻州秀容令州將
轉運使以滄州聞遷寧州軍事判官歷單州團練均
斬防禦荆南節度南京留守判官景祐二年七月辛

卯以疾終南京享年七十五公性淳氣直廉謹自守
所歷十二官未嘗一掛於法口不言人非其有過者
款言諭之人亦信伏常語子孫曰吾少孤無資從友
學祈寸祿以養母母終養矣又得衣食爾子孫吾自
足矣豈能以諂言諛色干權貴以求進乎且貧無苞
苴恥學術數何以取合於人吾老於從事不自愧也
人雖不知曾不一露鋒穎真吏隱君子哉德之積而
福不享於身者將鍾其後乎夫人汝氏封頴川縣太
君子二人安世舉進士屯田員外郎廣西轉運使昌世
太廟齋郎女三人長適黃州麻城尉費中黃次適建

州進士吳淵次適合州進士袁務孫五人台文舉進士永州推官詳文太廟齋郎懿文炳文彦文未仕公初自秀容今赴選奏舉引見例進京秩一夕子婿吳淵夢人呼公爲判官及見果得賓僕其從事六州皆爲判官公志本恬素及事符夢寐益加退讓焉疾愈之際自言吾夢於城北自擇陰地幽宜所安無累後代又言生平守官未嘗過誤惟邠州一獄有差適夢之帝所辨之得請矣文字在吾懷中親賊恠其謔言就索文字公曰七月十日來看至日果不祿焉及今

吳之原果在城北以嘉祐二年十月庚午與夫人

洪氏合葬於揚州之江都縣興寧鄉馬坊里屯田君以靖同年進士又同官于洪于桂故託銘遺懿以掩幽戶銘曰

學行由已 窮通在命 人貪苟得 公惟守正

內脩廉謹 外絕奔競 識高位下 非德之病

嗣職熾昌 有家克盛 九原可作 百代輝映

武溪集卷第二十

工部尚書充集賢院學士贈尚書左僕射累贈少師謚襄公余靖

墓誌下

陳殿丞墓碣

卞禮賓墓銘

張度文墓表

蕭府君墓誌銘

馬處士墓表

孫寺丞墓表

梁寺丞墓表

毛國博墓銘

毛秀才墓銘

毛節推墓銘

魏推官墓銘

宋故殿中丞知梅州陳公墓碣

公諱坦然字其其先潁川人高祖父效官容管屬唐季之亂嶺道梗塞不克北還遂爲普寧郡人曾祖諱某祖諱某考諱某並仕劉氏爲私署官考終於知繡州營田事皇朝贈大理評事妣陶氏贈永昌縣太君

公即繡州第三子博學善屬詞有膽勇多權謀尚然諾舉進士未第歸鄉里景德中宜州兵殺守帥脅判官盧成均以叛僞稱南平王擁衆數千人北攻象州成均者公同郡人也公乃單騎行賊圍爲書約矢射成均帳下爲陳禍福其畧曰國有患難乃見忠良貪入之利而背其君非忠也怯人之威而失其志非勇也君甲科進士當以才識濟理今佐一郡不能撫其衆以至於亂又不能死乃更甘心僞號提烏合之徒剽却郡縣朝廷封疆萬里帶甲百萬遣偏師取狂寇如舉太山壓卵耳柰何赤族從叛人入湯鑊中耶初

象城踈弱無守備將陷者數矣成均得書欲自拔歸
順計未決而王師至城乃全賊又別遣一屯分掠南
路徑趣容境所至摧陷公入語容守陳運賞曰賊勢
剽悍難以力競且脅從之人本無戰心願假衛兵數
輩見從抵賊營論以逆順當使解甲而歸我矣公去
賊壘數十步下馬直前為言本朝正朔被四海汝徒
無故謀聚今有詔止誅首惡苟能束身改圖自當榮
以爵賞何苦草間覓活是時賊中偽補屯衛之職陳
賈二率私相語曰此飛檄生也於是率首領以甲卒
數百詣郡降賊失腹心皆不戰而自潰矣賊平論功

大將以狀聞中旨令本郡敦遣赴闕與官仍賜錦袍
鐵帶公采讓而不受願回前恩以就殿廷一試朝命
嘉之詔貢部別名聞奏中途被病且遭家艱以歸服
闕急於祿養攝主化州吳川簿秩滿調授杭州餘杭
簿擢漳浦令再以更能佐桂州幕初為節度判官以
毋喪解官後以觀察支使知春州入朝遷著作佐郎
知潭州後移知梅州累轉太子贊善大夫殿中丞
卒官其佐餘杭也市有丐者杜氏夫婦皆八十餘杜
氏名暹嘗為忠懿王幕府官老無子孫遂乞於市公
聞之惻然為輟俸錢構草室數楹以居之語同僚暨

右族合幣二十萬與其足日廩市什器管壽藏識者
義之其令漳浦也有海口石門居風衝道歲壞舟楫
甚衆公乃相地徙港以避濤怒商旅至今賴焉邑西
有陳將軍祠者郡圖云儀鳳中勳府中郎將陳元光
也年少雖鬼邦人立廟享祠甚謹日奉牲幣無筭歲
大旱編走群望弗雨公乃齋潔詣祠下禱云政不修
者令之負禱無驗者神之羞國家崇祀典所以祈民
福也祀苟不應何用神爲即鑰扉與神約曰亡日不
雨此門不復開叢祠爲燹矣行未百步羸風拔巨樹
仆于道俗素信鬼及是吏民股戰神之怒公徐曰民

方磬河怒之爲乃緩轡截樹而去果大雨田收皆倍
邑人刻詞以紀其異其在桂林也役徒不足借禁卒
五百伐材以修守具郡帥會賓客飲于堂外有告變
者曰役卒二百挾刃群譟入屯營爲逆在座相顧失色
郡帥曰當閉城以虎翼五百擒之公即屏人語帥
曰今以亂擒之彼知就擒則死必力闔適所以堅其
叛意耳及其豐尚淺若誘而致之可無患乃從白直
數人直趨其屯責其主校苛刻乃復人人恩慰問其
勞苦叛卒環泣曰苦則思亂人之常情若從公命得
免於役以全視息爲再造矣皆釋仗隨公而歸帥亦

原之其罷陽春也有張氏女者父為供奉官夫吏輦
下犯賄流嶺南夫死家屬當還都邵陽郵卒以刃脅
為婦留且半歲公經途聞之執卒送官抵罪公解駝
暨萬錢貽之官遣部送還其父子皆章章在人視聽
者也公歷七官幹局外職司符牒劾事凡九十餘獄
民無一辭為怨其周才也如此公之宰彼縣也政無
不革乃經度署表而鼎新之落成之日而詔書至徙
梅州心常戀戀焉捐館之夕彼之宿吏數十見公朱衣
垂魚據筆導從牒牒入門升廳如平生聽簾幕地如
對衆驚異之後半月而函問至邑人塑其像立祠于

邑西云公以明道元年四月甲辰終於海州官舍某
年某月某日歸葬于某夫人楊氏祔焉楊氏先公早
世子六人曰直方有方知方居方義方應方居方舉
進士有方補郊社齋郎為曲江簿亦能官義方應方
尚幼女二人長適某康定元年曲江君因方跌圓首
之令泣以遺狀來請銘嗟其名不書於史氏遂銘曰
古之為吏 不專祿仕 器能軼群 名不墜矣
後之為吏 去才取位 官品不登 善斯委矣
吁嗟陳公 識優命否 勒銘幽石 以頌遺美
宋故禮賓副使知邵州卞府君墓誌銘

公諱日華字某曹州冤句人昔武王既克商崇樹親
親藩屏周室母弟振鐸建邦干曹詩存國風譜在史
簡別子之爲大夫者因食采之邑命爲卞氏仲尼稱
卞莊子之勇蓋曹大夫魏晉已降粹壺世繼清德元
第六龍並登宰府鄉邦墳壟至今存焉蘇峻之難壺
爲航東都督王師不利父子俱殞義士嘉歎國書褒
美以爲忠孝之道至於一門英風凜然千古所仰曾
祖諱某舉進士不第終於家祖諱某用卜河南之術
以豐其才羊畜蹄叫滿野而不尚豪華淡於榮味卒
以素風自樂考諱某專經成名以廉謹稱丞相太師

呂公蒙正丞相太尉王公旦咸加慰薦歷潭州決曹
掾卒官累贈比部員外郎公幼孤獨儻有奇節初脩
進士業衆推強記以善詩著名旣而曰吾母戴白而
恃吾養豈宜博習以自私於名當就速成之術冀得
祿以爲親榮耳乃夙宵砥礪專誦春秋經傳數十萬
言果以明年一舉登第解褐除陝州平陸主簿惟陝
郊雖名近輔而介在崤澠之間被山帶河盜賊據爲
囊橐負甲持矛以剽掠爲業者歲常有之公到官權
摠尉事境上強寇朝廷以名捕者十三輩於是訓練
爪牙多設籌略悉擒之亡噍類府以狀聞太宗覽奏

大懌時廣西溪洞反側始安方擇守以綏之即日隆
旨急召赴闕廷見之日德音獎勸擢授大理評事知
賓州軍州事即淳化四年也俄而交趾犯境專詔陳
公堯叟調度兵食安撫南鄙奏公治績充著有詔特
記姓名別聽任使君無何永熙升遐真皇登極例進
秩光祿丞權開封府掾尋遷三門發運判官將漕最
進丞大理仍領漕事咸平三年以北虜未賓詔文臣
有方略者許兩府薦名或投牒自舉公自計理效恐
見推擇若王命臨門則不得以親為先事陳之遂表
乞解官侍養朝旨未允太夫人果即世居喪不勝衣

景德二年服闋叅政尚書趙公昌言援前詔舉公右
職上使人問曰朕下詔急人時不自進若後之矣公
對曰昔之不敢臨梓鼓以親存也今母亡能葬得以
捐軀報國臣無所讓上嘉之遂除內殿崇班知博州
恩賜加等三年河東用兵移忻州宿弊未剋力欲繩
政遂為姦人中傷左授考城兵馬都監明年徙太康天
子東封之年改內殿承制當是時太尉馬公知節知樞
密院事屢稱其材上亦記之遂授禮賓副使知邵州
以大中祥符五年十二月壬辰終於官舍享年五十
二州民為之罷市而行哭公性端方守名節敦信重

義孝愛尤篤自筮仕至于投筆率以親為進退家之積粟周贍族姻而俸祿盡於賓客捐館之日室無羨資兩朝遇知己之主不克壽而展其才可嗟也已公之兄楚材今為春官舍人弟日就舉進士景祐初釋褐未官而卒季弟日新亦舉進士公娶某氏封某縣君生一男一女男世長右侍禁恪勤以涖官飭理以檢身咸有所稱以守先訓孫二人尚幼初公之喪也侍禁君羈貫既扶服以柩歸兩厝于郡郭今乃卜以其年某月襄事于大塋禮也嗚呼卜其兆宅而安其體魄又能論譏懿美以為子孫識皆孝之大者歿而有銘

古也乃銘一

曹大侯邦

卜乃公族

賦也命氏

并家其福

他姓魚居

數世則遷

卜守本國

其紹綿綿

公之翼翼

生子積德

傑然起家

實惟茂識

一尉之卑

遽為帝知

抱器遭時

當代所稀

親存以常

以養其志

親亡激節

有死不避

進退之儀

必本於義

行道固難

卒多留滯

稟命不馳

半途而隕

清名有餘

高才未盡

九原蒼蒼

體魄所藏

子孫不忘

以嗣其光

宋故贈度支員外郎張府君墓表

大宋嘉祐四年冬十月蘭臺丞張君奉其先正度支
及母兄之柩歸葬於青州旣襄事泣而言曰唐民不
幸父兄早世久在旅殯常以爲無涯之憂今幸而安
厝宅兆以釋重負又幸蒙相國韓公翰林歐陽吳二
公紫微范公見貺誌銘御史邢君筆於方石納諸幽
室相國觀文梁公復揭題詞鎮表兄墓今先君之封
欲表樹銘勒與兄無窮敢丐詞焉謹按府君少而業
文晚迺得第事親以孝行著立朝以忠實稱其居官
政必興民利家庭儉約兄弟友愛自嘆衰晚所志不
就力教三子期大其門元子唐卿舉進士果爲天下

第一仲曰唐輔亦同時得第雖相繼凋落不副國家
旌用之意然士人翕然稱其賢於教子也其季則祕
丞君復以召試成名致位於朝及居母喪竭力以圖
寃宥之事環走數千里具載數柩歸葬舊鄉又能以誠
感當世賢相名卿之文以誌其墓張氏真有子哉噫
世之所重惟在仕祿賢人君子則不然視才德何如
爾仕祿外也故不可必彭殤不足較其脩短顏稷不
足較其窮達死而不朽者爲名而已世之言教子者
府君爲無愧矣府君諱思字希聖進士及第官至太常
博士以子贈度支員外郎曾祖諱庭實潛德不耀祖

諱昂贈職方郎中考諱從化駕部郎中贈祕書少監
母朱氏贈河南縣太君其世閥官績歐陽翰林書之詳
矣嘗葬其宗親三十餘喪其子既登科即致仕而乞
官其弟愈表聞未報而終云今塋於廣固之仁德鄉
先塋之東奉遺意也係而銘曰

士之處世 才德居先 窮達壽夭 歸之于天

義方訓子 魁於俊賢 德之無愧 福胡不堅

其季有立 還苑舊阡 維名無窮 子孫萬年

故蕭府君墓誌銘并序

府君諱陟字希陞其先潭州瀏陽人五代祖衰初仕湖

南知馬氏政衰乃挈族去其國以歸江南李主大悅
賜田十萬家于新喻今占籍臨江軍曾祖處鈞祖著
父質皆潛德不仕府君舉進士天聖初今上諒陰不
親臨試以恩例授袁州司士叅軍再移潭之醴陵岳
之華容尉權岳州司理叅軍治獄以明恕稱岳陽介
居荆湘重湖之上號為名盜捕寇者利於功賞因緣
為姦往往閔舟有兵器負財者榜笞係繫誣為抄剽
械送郡獄府君夙宵研覆辨其枉直平反者百餘人
岳民至今思之權臨湘縣事政亦有聞錄應進士舉
賢良方正制科不第調授泉州同安主簿未幾得疾

卒於官舍享年五十八府君博通古今好讀書其赴同安也鬻囊裝鞍馬得錢百千盡以買國子監書喜形於色曰吾無資產以此遺子孫乃家寶也常枕籍於其間曰此生無成當有施於後世府君娶簡氏先府君卒追封旌德縣太君二男長曰注次曰伯英府君臨終之夕呼二子囑之曰吾昔爲獄官有陰德於人吾聞有陰德者其後必大汝等當力學圖富貴以大吾門二子果皆擢進士第注今爲西上閣門使廣南西路安撫都監兼知邕州伯英祕書丞初徵外蠻懷智高攻陷邕橫等十郡遂至廣州據民鄧園府城

州將不知所爲第率官屬吏卒上門登陴而已上閣君時行番禺令事緹城獨出募勇敢士撓賊之謀焚其舟數百艘得其所略婦女數千人又殺鄉坊之民與之交易者數百人日開南海門運食物及守禦之備以資城中賊智力皆窮乃退去朝廷嘉君功特拜禮賓副使知邕州賊之敗走於邕也君又募溪洞酋長說誘諸蠻擒賊之母及其子弟於特磨道生送赴顯戮於都市夷落聞其名皆畏之由是累遷官而久其任焉府君累贈至屯田員外郎祕丞君亦以同在蠻中經營擒賊之策進京秩知新喻縣事蒞官之明

年遂謀以嘉祐五年二月二十八日葬府君於本縣之月丘祔先營也女三人孫五人曰元曰充曰兌曰幻堊有期矣以書來丐銘府君之德銘無愧辭乃銘曰

懿文不達 清德可尚 多積諸書 以敵珍藏
治獄之仁 當大其門 如茨福祿 在其子孫

馬處士墓表

慶曆四年春正月丁未鄱陽處士馬府君歿于私宮冬十月其孤遵泣血緘書走京師索銘以掩其壙不

及窆期迺表諸墓云謹按馬氏於戰國為趙將於漢為外戚於唐為功臣章章然在史矣唐季表祖避地自黃梅渡江占籍於饒之樂平曾祖父諱昭王父諱亮並署於南唐父詡夷曠不急於祿而終母曰某氏實生府君諱某性深沉博涉書史不專章句之學少失其親柴毀過禮州閭稱之恩撫同產及同宗以同居僅百口怡怡如也鄱陽近寶其俗任氣鄉里之有爭者府君以義譬解之人服其評之允不之官司者十六七居家喜賓客而加禮儒士撫七子皆有成享年五十七娶董氏府君撫其宗於外董夫人扇其和

於內七子慶巡遵喬寧道迅承旨樹立嚮學導登進士甲科入朝為太子中允以幹材通識見稱於時道舉進士未第初中允君以廷尉評為晉康守懲其鑿於晨昏也期不遠去鄉國被更書至闕下二年得宣城通守以歸又家居且一年朝廷以邊鄙宿兵培堯吏浚民以濡國不恤其怨而仕路混殺久未澄汰力選直清通濟之士分外墓以佐邦計遂自大理丞換中允為福建路轉運判官將勉奉安輿以行而府君即世遂以其年某月葬於信州弋陽縣某山某原於藏府君以仁撫其族義訓其子鄉邦欽尚而壽考不

堅天道損益不可原乎天與其德不與之年賦有所偏乎不豐其身將大其門乎不見其人永瞻松阡悲夫

朱故大理寺丞前知白州孫公墓表

君諱億字廷齡其先周文王之子康叔封於衛為諸侯衛武公之孫食采於戚曰孫氏世為上卿楚有叔敖三仕至今尹封於寢丘號為循吏漢有堅父子開國於吳以有江淮故其世系繁衍於南方而望於富春之族士著於表之分宜曾祖某祖某考某曾祖某高蹈恬退自守君幼挺奇節資性溫厚博覽廣記不為

章句之學弱冠能屬文舉進士上第選注桂陽監判
官虔州資度推官薦其材者章交公車擢授大理寺
丞知吉州永新縣徙知白州丁先府君憂服闋符召
還臺道卒于宿州享年四十一桂陽地產五金諍盜
日積南康土沃民繁郡多滯訟君連佐二幕率以和
易守職進則啓迪嘉謀以裨邦君之闕退接民吏一
無異言故直道得行而上下悅之其卒永新也予時
忝典城之寄共爲親民吉民歲配和市縑素六萬餘
匹主外計者籍收帑錢以供他費第給海鹽償其縑
直前政又以邑豪入粟得爵者准官戶免其征細民

由是重困君發其弊予得奏傳邑官且藏鏹于縣以
酬民縑外臺不能詰吉之田租歲收四十萬斛必擇
廉幹司使之入漕臣意在聚歛預戒庾吏定收什二
以充羨餘專其局者惟君能守州約拒臺命出納一用
倉式其公正皆此類也俾其克壽而貴善政豈可量
哉其居喪也不厝姻婭之門不知鹽酪之味三年無
改邦域稱焉君初以藝文知名故樞密成紀文憲李
公諮特知補賞妻以兄子實多內助生二女三男長
女適李氏予以弱息仲荀娶其幼女男之邵之翰之
問皆未冠君以皇祐元年四月二十九日捐館舍於

扶離諸孤扶其柩歸以其年十二月二日葬于分宜縣某鄉某原其弟洎以書來索文不及掩壙之期故表諸阡而銘曰

天生吉人 付之正性 胡不與全 而薄其命 疇賢肥佞 亦天之病 表諸墓道 以面惟求

宋故光祿寺丞梁君墓表

梁與秦趙同祖絕於秦續於晉顯於漢故為京兆萬年人祖諱旻佐幕番禺屬劉氏據有南海耻非王命不從所署遁于東筮世歸其高焉二子長曰光運署右職捕賊遇害少曰光遠即君之文考亦佐戎政皆

劉氏官也君諱頴字微之幼秉奇節強學篤行信義稱於朋友詞章秀于鄉邦國家削平僭偽統壹函夏君即占籍高要以從鄉賦舊制嶺南按察者皆專選補州縣吏員闕即擇前資及士之豪俊而署之試守三歲克有成效則薦于吏部而授真秩君以故事召署滿三暮調于天官得象之武仙簿貴之爵林尉封之司戶叅軍悉以能官有聲年及懸車抗止足之分移疾請老朝廷美之遷光祿寺丞致仕以景祐元年六月考終命于封水享年七十三夫人陳氏先府君二歲卒其孤揆繼歲衝恤遂蓬首垢面挈畚負土由

祖妣而下封大塋而窆之凡六墳異藏同城以景祐二年十二月辛酉掩壙于端州高要縣歸仁鄉湖洲原乃築廬居家旁朝夕哭泣刺手取血寫佛書以祈冥報廬外植蔬樹粟以給饘粥不茹葷血凡六歲乃除喪州閭耆舊緇素以其狀白長吏表聞天子嘉之詔郡縣以時存撫賜之粟帛以旌其孝專選補者以揆至行奪而官之寤於窮而從焉慶曆五年十月患舊域卑濕仍負土全塋徙瘞宗崇原加封樹焉從高顯也既而乞銘以表之銘曰

哀無時而忘

服有時而終

去廬立表

以寄哀於無窮

宋故國子博士通判大平州毛君墓銘

公諱應侗字子貞其先滎陽人昔者武王翦商而造周以介弟毛伯既親且賢乃列地而爵之與康叔居關東爲諸侯與聃季入冢內爲卿士胙土得姓善善相繼其後領袖儒林丹青史筆者代有之矣玠仕魏爲尚書僕射以清公廉節自任後嗣仰之爲萬世法渡江而後晉者世吏二千石遂爲江南著姓今占籍於廬陵之吉水焉曾祖諱讓祖諱休仕南唐爲侍御史烈考諱澄贈大理寺評事妣高氏贈南昌縣太君

蘇公之請也僖皇東遷朱梁篡奪版蕩幅裂稱尊
號者非一姓李氏阻江爲國自紹唐統御史府君忠
於所奉遂爲天子之外臣于時廬陵大郡毛爲右族
官於霸朝卒以法進丞寺署坐郡曹者咸綽綽有名
國人聽之御史府君藏書數千卷闢田數百頃嘗與
人曰欲仕者可以識廢興欲隱者可以實倉廩吾於
子孫計足矣乃玉笥之陽有終焉之志公幼喪所天
刻意自立砥名勵行文爲聞人真宗皇帝得祥符之
始年舉進士御前解褐授杭州臨安尉負海名邦古
稱都會探苑仇吏人或輕揚公廣爲方略多設耳目

尉羅所得囊橐皆空人被其仁至今稱誦選部調
補江陵府司理參軍以情察獄寬而能斷所經訊讞
民自不寃秩滿遷萬州軍事推官坐棠缺守權董郡
事束縛姦吏按摩疲人厥凌秋霜惠溫冬日薦紳立
朝之士狀其績用聞于廷者十一人歸朝擢授大理
寺丞知筠州高安縣平心御物曲直立分箕歛盡除
囹訟自止其年移知賓州軍州事轉太子中舍即在
合浦之東千里而近地多珠貝犀象流檀之產前之
剖符者往往舳舻銜尾竭其土物公北歸之日盡室
一舟無餘錙兩國之貨入朝授殿中丞國子博士歷

通判虔筠太平等軍州事公性寬厚守撫損當官不
示圭角以沽赫赫之譽所去民皆思之信愛朋友未
嘗斥人之非故朝士多其長者監郡之職與刺史權
均而勢逼固祿位者率以將迎守意臨事不自可否
屏氣低首趨府如幕吏更持案牘立前山疊波委擲
管署絃尾不敢議其是非及猶者爲之則剛而犯上
相持短長缺士大夫之行者多矣公處以中和不茹
不吐三贊郡事人亡間言自筠之移姑孰也杭貴榮
之志將歸舊隱乃白奏奉身而請老焉朝命以本官
致仕一子授太廟齋郎以羨其具具之節詔未下不

幸屬疾以明道二年三月丁丑考終命于當塗之官
署享年六十有七夫人高氏封某縣君夙奉姆教恪
脩婦式婉容淑範爲閨房之秀府君列朝著理郡務
遺清白於子孫者夫人實有內助焉公即世既踰月
惟堂哭晝未亡之歎方深同穴感義溢至之期共盡
以某月日終于池陽舟次越明年某月日合而祔之
于其原禮也三子長曰漸太室齋郎次曰溥以毀卒
次曰洵擢進士第調判入四等授越東節度推官知
宣城縣事三女長適進士陳敏中次適進士習遵路
次適進士艾琚六孫伯奮伯達伯玉餘尚幼將葬洵

以狀來乞銘而掩諸幽乃銘曰

周之懿親 魏之名臣 越有裔孫 生茲德門

行為士則 才為世賢 所治七官 遺愛存焉

身羈綬綬 志在林泉 公既知止 時方引年

乞身西歸 朝恩需然 未被出綽 俄驚逝川

哀隕庭蘭 悲摧無鷲 靈輪筮宅 相隨九原

令嗣執喪 戚容纒纒 泣狀遺績 乞銘塚壙

嗚呼榮陽 府君之阡

榮陽毛君墓誌銘

君諱溥字之祖於周為姬姓文王之子國于毛子孫

以國為氏春秋之際世為王卿士在漢時長安亭

為魯詩各以其家名學儒者至今宗之晉永嘉之亂

士族南徙寶有戰功為廬江守名著竹帛而毛宗益

興在南夏矣宋齊而降代有瓌傑家深闕墜不復

殫紀今為吉州吉水人太王父諱某侍御史王父諱

某贈大理評事考諱某國子博士終於姑孰同守以

文學起家所理七官皆著治效閨門肅肅若居官庭

妣曰高氏封壽春縣君奉舅姑以禮訓諸子以嚴聖

閑稱之姑孰府君三子伯曰漸季曰洵君即中子漸

太室齋即洵鎮東府從事君幼聰悟博覽群籍及子

史百家之言與人交不苟合孝謹友愛發於天性自
從事君未仕時君已能爲進士業矣吉於江西治最
劇其士人倍他郡而歲貢後選偏以限人之制褻博
臂湊歌鹿鳴而送之十不取一衣冠家有令子弟鴈
行而進求鄉先生之薦者郡中正往往畏鉗忌之口
不克偕舉從事君既冠則與君並在賓興籍中君曰
吾才不如季脫不幸而順吾長以我先舉則爲奪吾
季之名也讓不乞試退而脩家人產業季東得薦取
太常第邦人義之從事君既上第君始有仕進之意
行益淳學益勤聲名流四方而祿未及之以明道二

年五月十六日卒享年三十有八初姑執府君屬疾
君嘗藥而後進不去冠帶者三月晝夜不寐兩目盡
瘡府君棄世未踰月母夫人壽春君亦亡君哀號慟
絕勺飲不入口並侍兩喪全柩歸葬途次鍾陵柴毀
越制終于舟中其弟洵扶護其父母兄及已之妻之
喪以歸哀感行路以某月日葬於某府君之塋次禮
也君娶劉氏柔嘉之德冠于族姻子男三人長曰伯
奮始志于學余尚幼女二人皆未笄於戲君之行可
以激薄俗窒奔競宜壽而貴者乃以荼毒滅性不事
永年可哀也哉故爲之銘銘曰

生于德門 言溥行實 讓弟以仕 哭父而沒
義而孝兮 胡不終吉 吁嗟毛君 居此窳窳

宋故鎮東軍節度推官毛君墓誌銘

景祐元年十一月戊辰故鎮東軍從事毛君卒于家
明年九月壬午塋于廬陵吉水之仁壽鄉南華原先
府君之塋次君之兄遣使持書走京師謂其友余某
曰漸之弟才未盡施抱恨入土恐其名之易漫滅也
請銘而久之某於君遊最厚熟其行故得書而無讓
焉君諱洵字子仁世居吉水業儒為冠族曾祖諱休
侍御史祖諱澄贈大理評事考諱應佺國子博士母

曰壽春縣君高氏君器度方正動自脩尚幼精敏能
屬辭及冠舉進士試秘書省校書郎性篤於孝視榮
利泊如也凡守四官再以親解初補撫州司法參軍
先府君適知贛州實在南海南千里遣人問起居者
死於道信不得通君喟然嘆曰惡能以擔石祿割親
之愛經時聞然不知息耗而自安迺因郡郵言狀不
待報棄官去暨府君歸朝君再調洪之新建簿以書
判拔萃天子御便殿試之所對入等改試大理評事
遷鎮東軍節度推官知宣州宣城縣事政有繩墨民
咸宜之未踰歲江淮制置使器其能奏監揚州推蓋

倉詔既下留侍親疾不就職執藥調膳嘗而後進積
三月不之寢室亡何府君暨母夫人相繼卒君與兄
漸奉喪歸苑持畚荷土手胝面黔親友不能識塋外
松栢皆所自植遂結廬墓所而居之居憂凡二十一月
朝夕哭踊如初喪之儀所食才脫粟不加薑桂同閑
諸生數十人日湊廬旁執弟子之禮請君敷辯經義
君對之流涕未嘗言文廬中非號泣時則寫佛書讀
喪禮而已自廬次得疾歸家數日卒享年三十二郡
以孝行聞詔賜其家粟帛百以旌顯之君二昆伯曰
漸太廟齋郎仲曰溥先以毀卒夫人生一男一女皆

天夫人前君卒別葬不附其銘曰

文行俱 家世儒 力孝弟 恬進趨 再棄官
爲親謀 失怙恃 返丘墟 飯脫粟 居倚廬
不終喪 隕厥軀 位未充 材有餘 附無婦
哭無孤 善罔報 天何如

宋故峽州軍事推官贈太常博士魏公墓誌

銘并序

公諱清字友晉洪州南昌縣灌城鄉龍沙里人畢萬
始賞世爲晉卿韓趙協力終踐侯爵因國命氏子孫
繁焉相曹公族蟬聯於漢晉矣曾祖玘祖爽考謹並

以唐祚衰季帥臣專兵割裂土壤喋血爲縱橫之業
進則私署耻爲陪臣繇是潛德丘園不食其粟家世
以財雄州黨公昆仲四人求分父產人人自占其膏
腹公悉以服玩田宅讓之脫身而去獨取犀帶一條
市書力學退居西山名溢人口李氏竊據江左自稱
後唐封拜予奪之柄自專之我宋開國始授正朔公
聞其順命乃萌蒞仕之意開寶三年猶以禮部侍郎
張洎私掌貢籍公以進士中其選季主批云魏某勵
志謹行學有餘文與二三子不同可特放及第釋褐
授饒州餘干尉隸幢東下青蓋入洛公授王命爲滑

州靈河尉將漕臣樊知古上殿奏公富文達學吏材
幹敏中旨召赴闕將加顯秩引對之日逆氣併喘口
噤不能語詔授散官以就土地之醫除陳州參軍二
年疾愈州將奏公云煩而使之嬰觀錯節文長牋奏
政蕪威惠願加擢用以勵能者頃之中旨復令詣闕
學士院召試授許州臨潁主簿公以江南擢第非王
室之命故授官不復以科名爲叙仍自臨潁再應進
士舉京輔近藩尤重舉首公就試群士亡出其右明
年殿廷覆試中甲科時端拱二年也御試前一日公
肺中曾喘坐卧躄苦呻唵危篤之際沈然而寐夢一

道士謂公曰姓名定矣勿復憂之中文痊平詰早赴
赤墀之試亡恙焉初禮部籍奏公名在九十一既臨
軒唱第名次如舊事與夢叶聞者異之授保信軍節
度推官兩川地險人心如之賓籌幙畫咸擇聲稱移
閬州觀察推官居亡何黃巾竊發軍城失守民潰其
上方所不支郡無良將遁以避難降資授峽州軍事
判官秩滿歸闕咸平四年季夏五月十二日以疾終
于家享年六十三歲散官至給事即兼官至大理
評事由是贈奉天常博士公簡而不倨廉隅自守在官
三十年俸給之外秋毫無橫入性寬厚未嘗失色於

人即世之日家無餘財識者稱之夫人樂氏以屯田
君貴封河南縣太君生五子長曰英次曰蒙並遺名
好遊混跡閭里次曰狂咸平三年進士及第即屯田
君也次曰舊次曰芳皆早世二女長適進士劉覺次
適進士尹中正屯田君羈貫之歲公即器之嘗謂親
舊曰待弟三年成名吾死無憾矣果以屯田君登第
之明年而卒知子莫若父豈虛語哉明道二年屯田
君罷守晉康郡乃曰有父不葬終身之戚遂露章乞
告便道歸坐窳窳之事朝旨從之以其年十月抵豫
章兆有日矣河南君尋以壽終乃祔焉府君自咸平

辛丑歲卒明道及酉歲始克襄事而河南君發紉同歸嵩里死生之會期有數歟以是年十二月十九日皆安之于新建縣善政鄉羅埔里乃為銘曰

弈世潛德 運遘衰微 丁年筮仕 識照安危

項滅歸漢 吳亡得機 才高命蹇 畢世早飛

鳥經卜宅 鸞鑑同歸 死生離合 各有其期

西山巍巍 銘於依依 此焉壤樹 行路興悲

武溪集卷二十

宋故朝散大夫守工部尚書充集賢院學士前知廣州軍州事兼管內勸農市舶使提點銀銅場公事充廣南東路兵馬都鈐轄兼本路經畧安撫使柱國始興郡開國公食邑二千六百戶食實封二百戶賜紫金魚袋贈刑部尚書余襄公神道碑銘并序

推誠保德崇仁翊戴功臣觀文殿學士特進刑部尚書知亳州軍州事兼管內隄堰橋道勸農使及管勾開治溝洫河道事上柱國樂安郡開國公食邑四千三百戶食實封一千五百戶歐陽脩撰

始興襄公既塋于曲江之明年其子仲荀走于亳以
來告曰余氏世爲閩人五代之際逃亂于韶自曾高
以來晦迹嘉道至于博士府君始有祿仕而襄公繼
之以大曲江僻在嶺表自始興張文獻公有聲于唐
爲賢相至公復出爲宋名臣蓋余氏徙韶歷四世始
有顯仕而曲江寂寥三百年然後再有聞人惟公位
登天臺正秩三品遂有爵土開國鄉州以繼美前哲
而爲韶人榮至於褒卹贈謚始終之寵盛大蓋褒有
詔卹有物贈有告而行謚考功有議有狀合而誌之
以閱諸幽有銘可謂備矣惟是螭首龜趺揭于墓隧

以表見於後世而昭示其子孫者宜有辭而闕焉敢
以爲請謹按余氏韶州曲江人曾祖諱從祖諱榮皆
不仕父諱慶太常博士累贈太常少卿公諱靖字安
道官至朝散大夫守工部尚書充集賢院學士知廣
州軍州事兼廣南東路兵馬都鈐轄經畧安撫使柱
國始興郡開國公食邑二千六百戶食實封二百戶治
平元年自廣朝京師六月癸亥以疾薨于金陵
天子惻然輟視朝一日賻以粟帛贈刑部尚書謚曰
襄明年七月乙酉返塋于曲江之龍歸鄉成家山之
原公爲人質重剛勁而言語恂恂不見喜怒自少博

學彊記至於歷代史記雜家小說陰陽律曆外暨浮屠老子之書無所不通天聖二年舉進士爲贛縣尉書判拔萃改將作監丞知新建縣再遷祕書丞判校三史充集賢校理天章閣待制范公仲淹以言事觸宰相得罪諫官御史不敢言公疏論之坐貶監筠州酒稅稍徙泰州已而

天子感悟亟復用范公而因之以被斥者皆召還惟公以便親乞知英州遷太常博士丁母憂服除遂還爲集賢校理同判太常禮院景祐慶曆之間天下怠於久安吏習因循多失職及趙元昊以夏叛師出久

無功懸官財竭而民重困六百餘人喜天子赫然思振頹弊以脩百度既已更用二三大臣又贈置諫官四員使言天下事公其一人也即改右正言供職公感激奮勵遇事輒言無所回避姦諛權倖屏息畏之其補益多矣然亦不勝其怨嫉也慶曆四年元昊納誓請和將加封冊而契丹以兵臨境上遣使言爲中國討賊且告師期請止毋與和朝廷患之欲聽重絕夏人而兵不得息不聽生事北邊議未決公獨以謂中國厭兵久矣此契丹之所幸一日使吾息兵養勇非其利也故用此以撓我爾是

不可聽

朝廷雖是公言然猶留夏用不遣而假公諫議大夫以報公從十餘騎馳出居庸關見虜於九十九泉從容坐帳中辯折往復數十卒屈其議取其要領而還朝廷遂發夏冊臣元昊西師既解嚴而北邊亦無事是歲以本官知制誥史館脩撰而契丹率自攻元昊明年使來告捷又以公往報坐習虜語出知吉州怨家因之中以事左遷將作少監分司南京公怡然還鄉里杜門謝賓客絕人事凡六年

天子每思之欲用者數矣大臣有不喜者第遷光祿少卿于家又以為雅州刺史壽州兵馬鈐轄辭不拜皇祐二年祀明堂覃恩遷衛尉卿明年知虔州丁父憂去官而蠻賊懷智高僭邕州連破嶺南州縣圍廣州乃即廬中起公為祕書監知潭州即日疾馳在道改知桂州廣南西路經畧安撫使公奏曰賊在東而徙焉非臣志也

天子喜之即詔公經制廣南東西賊盜乃趨廣州而智高復西走邕州自智高初起交趾請出兵助討賊詔不許公以謂智高交趾叛者宜聽出兵毋沮其善意累疏論之不報至是公曰邕州與交趾接境今不

納必忿而反助智高乃以便宜趨交趾會兵又募懷黃諸姓酋豪皆縻以職與之誓約使聽節制或疑其不可用公曰使不與智高合足矣及智高入邕州遂無外援既而宣撫使狄青會公兵敗賊於歸仁智高走入峒邕州平公請復終喪不許諸將班師以智高尚在請留公廣西委以後事遷給事中諫官御史列疏言公功多而賞薄再遷尚書工部侍郎公留廣西逾年撫緝完復嶺海肅然又遣人入特磨襲取智高母及其弟一人俘于京師斬之拜集賢院學士及而徙知潭州又徙青州再遷吏部侍郎嘉祐五年交趾

寇邕州殺五巡檢

天子以謂恩信著於嶺外而為交趾所畏者公也驛召以為廣西體量安撫使悉發荆湖兵以從公至則移檄交趾召其臣費嘉祐詰責之嘉祐皇恐對曰種落犯邊罪當死願歸取首惡以獻即械五人送欽州斬于界上公還邕人渡道留之不得明年以尚書左丞知廣州

英宗即位拜工部尚書代還道病卒享年六十有五公經制五管前後十年凡治六州所至有惠愛雖在兵間手不釋卷有文集二十卷奏議五卷三史刊誤

四十卷娶林氏封魯郡夫人子男三人伯莊殿中丞
早卒仲荀今為屯田員外郎叔英大理評事女六人
長適職方員外郎郭師愈次適屯田員外郎孫邵次
適宿州觀察支使周熊次適祕書省校書郎章惇裕
次適越州上虞縣主簿張元淳一尚幼孫男七人嗣
恭嗣昌皆大理評事嗣隆太常寺奉禮郎嗣徽嗣光
嗣立嗣京未仕孫女五人銘曰

余遷曲江 仍世不顯 奮自襄公 有聲甚遠
始興開國 襲美下前 兩賢相望 三百年間
偉歎襄公 惟邦之直 始登于朝 官有言責

左右獻納 姦諛屏息 慶曆之治 實多補益
逢時有事 奔走用北 功書史官 名存夷狄
出入艱勤 險夷一德 小人之譏 公廢于里
一方有警 公起于家 威行信結 嶺海幽遐
公之在焉 帝不南顧 胡召其還 殞于中路
返柩來歸 韶人負土 代石刻辭 立于墓門
以貽來世 匪止韶人 書余襄公集後

景祐歲范文正公貶不以罪大臣肆忿臺諫緘默余
公歐陽公交文章辯論義氣所激非為利也既連坐竄

逐後復中以竒既果有利心肯爲是耶是舉也有東
漢李杜之風賴時清明不成黨錮之既文忠公著朋
黨論意有規於後也卒不能抹紹聖崇寧之橫流至
使故家遺俗流風善政掃蕩無餘而胡虜之變作矣
事之微漸甚可畏也主上中興更張改紀歲無虛日
收燼起廢士氣振復然窺間校隙挾舊圖新者尚可
懼也嗚呼以公視昔何但前車之戒耶公聲與歐
陽公同時豈晚進敢議如辨堯舜之謚號攷秦漢之
興亡以儒爲正以釋爲權皆後學所當知者寓意賦
詠欲嶺上置關籍簡官吏行李之往來以辨清濁凡

